

乾隆淮安府志

淮安府志列女敘

古者婦人無外事故詩曰無非無儀惟酒食是議而已
傳記所載惟關雎有后妃之德其他以民間女子而行
義卓然者不少槩見自劉向作列女傳始于婦德母儀
各加推闡范曄宗作後漢書祖之以列女終郡志本史
體故所傳士大夫而外亦必兼及乎壺行處常則爲賢
母爲孝婦處變則爲烈爲節爲貞常者十一變者十九
蓋婦人女子至有善可紀名登簡冊其遭際固有難言
者矣淮安一郡風教修明夙昭懿德漂母識韓王孫于
俄夫梁夫人識韓蘄王于小校千古巨眼出自閭閻真

足爲巾幗生色而遭憂遇變之死靡他者更代不乏人
我

國家于旌表節烈視前代尤爲廣被窮檐白屋其名皆
得上聞錫之帑金崇以綽楔湛恩汪濊存沒均霑夫婦
人以柔脆之質處房閨之中法制禁令未嘗遽加而能
處常而不失其正處變而不改其操豈非

列聖相承培植者厚閨門之內漸被

王化者深歟陰教之隆遠邁前古萬萬矣志列女第二十

三

淮安府志卷之二十二

列女

賢母
節婦

孝婦
貞女

烈婦

山陽縣

賢母

吳

步夫人淮陰人與丞相隲同族漢末其母避亂渡江携
之入吳吳主權納之美麗不妬寵冠後宮常欲以爲
后依違者十餘年生二女曰大虎小虎及薨追正名
號贈印綬

南唐

薛夫人清淮節度使劉仁贍妻

事詳人物門忠烈

宋

梁夫人蘄王韓世忠妻楚州北辰坊人初江淮兵亂流落爲京口倡家女五更入府賀令節于廊柱下見一虎蹲臥驚走出已而審視之一卒也蹶之起問姓名心異之密告其母遂歸世忠世忠官渡顯封安國夫人金兵至鎮江世忠與戰梁親執桴鼓金兵終不得渡一夕鑿河道去梁奏言世忠失機縱敵乞加罪責舉朝爲之動色再封楊國夫人卒祔葬蘇州靈巖山

下事見鶴林玉露及錢謙益韓蘄王碑

明

江氏都御史盧蕙妻蕙爲職方郎行邊一將領求善地
以職方耿介密賂園丁以明珠飾簪珥一篋遺夫人
江怒叱之聲其事罪其人職方後撫薊遼卒于王事
遺八子家貧僦屋以居江教子皆成立年七十七終
陳氏李應元繼室子潤民知平陰縣當平陰未貴時氏
撫前二子如已出應元卒析產與前二子曰幼子肖
不必私不肖私之何益二子再拜稽首曰母心揭日
月行也鄉里傳以爲繼母法云

丁氏知平陰縣李潤民妻平陰爲廉吏卒于官丁撫三

子天經天授天定皆成名士三李名震一時一歲中
三子皆沒家益貧親督課諸孫最少者鎧舉進士官
閣學母壽登八十

陳氏諸生石可璽妻通孝經論語可璽負文名早亡家
貧親紡績以給饔飧教二子岱峙華峙讀父書皆績
學植行爲諸生有聲閭門肅清督課有法時稱石賢
母

靳氏諸生周元相妻元相教授生徒不及課子一以諸
子之學責之母母實能授辭訓義有如嚴師二子皆
成立

國朝

邱氏楊懷憲妻懷憲早卒嚴課諸子幼子名耀成進士
官太常少卿累封太恭人母有淑德樂善好施子孫
蕃衍數十人

孝婦

唐

趙氏父盜鹽當論死女詣官訴曰迫饑而盜救死爾情有可原能原之耶否則請俱死有司義之許減父罪女曰身今爲官所賜願毀服依浮屠法以報卽截耳自誓侍父疾卒不嫁

明

李氏蔣瓚妻名妙窈年十四爲蔣氏童養婦舅遇患痢妙竊剪左股肉煎湯以進食之而愈以孝聞

張氏諸生王閔值妻姑病篤氏剜肝食姑姑愈母病亦

割股救母母亦愈崇禎十六年旌表

金氏胡璜妻山陽人移居通州璜屢遭危疾氏五次割股救夫父病亦割姑病又割其子感之亦割股救父
張氏潘董韓妻嘗割肝救姑

馮氏毛繼宗妻幼割股救親既嫁姑病復剖脇取肝以食姑時人競爲詩文以美之

李氏封御史李奇女尙書蔡昂妻翁源就養京師獲病李割股愈之母戴氏面生毒瘡醫藥罔效李歸甯亦割股以進其母戴曾爲姑吮疽蓋世著孝行云

李氏李應節女幼嫻閨訓喜讀春秋楚詞能詩文兩兄

遠遊氏以女子總家政父母甘旨無缺及兄罹難氏已適人竭貲救之

謝氏楊應松母大河衛千戶雷女先以父病繼以母病又父病凡三割股救之

程氏郡庠生程思女鄭元鼎妻崇禎間割股救翁姑夫病又割股救皆愈鄉鄰舉其孝壽至八十

方氏拔貢生張致中妻勤儉貞靜常割股活母有孝淑傳子昭知名

李氏司某妻姑病篤家貧不能延醫氏割股以進姑覺異香盈室遂愈氏壽至八十

陸氏楊致中妻姑病氏刲股和蓮子湯進遂愈

沃氏蹤一鵬妻姑性畏雷凡雷發聲氏輒依姑左右護持之姑卒每聞雷卽泣告姑主曰婦在側勿畏也事姑存沒四十二年如一日

張氏不知其夫姓名有墓在南門大弔橋東今已無跡止存一孝婦碑係巡按御史某立

姚氏黃某妻性至孝凡兩刲股以救父母又兩刲股以救翁姑兩臂皆無完膚子庠生錦走京師乞詩文表其母時稱奇孝

齊氏張貽恭妻舅姑頗嚴奉之盡道每侍食潛立戶外

伺冀喜姑疾額天泣願身代夫亡家落督子若孫授
經年八十七終

周氏淮安衛指揮王馨妻夫亡守節事姑盡孝四十年
致白鳩巢宇之異

姜氏黃長妻長病氏先刲股不效乃祝神願刲肝肝卽
觸動有形刺脇割之煎以食夫夫病遂愈

國朝

朱氏湯應聘妻應聘病氏刲股救之其女初不知其母
之刲股也亦刲股以療父與母時刻皆同里人上其
事推官俞知縣朱皆旌獎之

吳氏沈與祖妻嘗刲股救姑

舊志作明人山陽志改入本朝

吳氏范文墟妻孝於姑姑病思食菌時無鬻者氏虔禱於神俄有童子持菌至門爲羹食姑果愈夫遠商於外氏夢夫將死卽禱神願以身代未幾氏竟死方殮夫適歸果遇險得生一時異之

崔氏顧世伏妻謹事翁姑救夫刲股壽至八十有三

黃氏陸志寬妻姑病刲股肉落地婉轉跳躍竟失所在因痛自咎責復刲股作羹以進姑愈微聞其事索臂驗視氏對無有問益急袒右臂視之姑目眤竟莫能辨也

汪馨姑許聘生員劉墀母病數月刲股愈之姑素孱弱經鉅痛不數月卽死里人舉其事郡守以笄年殉孝旌之

喬氏拔貢生邱謹妻姑歿夫哀毀得疾刲臂肉煎湯以進夫病尋愈

谷氏黃經國妻未嫁夫已得痼疾不能起及于歸後勤勞服事毫無怨尤族黨哀之

顧氏事父母盡禮父歿日夜號泣絕粒七日侍母起居頃刻不離母疾願減已壽以益母母遂愈

孫氏佟蔭妻事翁姑盡孝翁患膈氏隨夫侍湯藥晝夜

不倦每焚禱乞以身代翁竟獲愈翁歿後事姑益謹
冬夜與姑同寢姑患痰症醫藥罔效氏泣禱於天是
夜姑夢神人持紅丸納口中又以手摘其痛處擲之
穴寤痛遂減後十餘年以壽終姑在殯隣人失火氏
與夫跪柩側矢以身殉忽返風滅火康熙五十八年
學憲謝

題額曰孝行可風

烈婦

唐

魏氏樊彥琛妻彥琛病篤魏欲同死彥琛曰勉力養諸孤相從而死非吾所取也後遇李敬業之亂爲賊所得賊知其素解絲竹逼令彈箏魏歎曰豈非禍從手發耶引刀斬指棄於地賊怒亦其頸迫妻之乃厲聲罵曰爾等狗盜敢汚好人得速死是吾本志賊殺之

宋

北辰坊烈婦不傳其姓氏夫爲小商至北辰病死貧無以殮同舟富商爲之辦具自恃有恩視婦已爲已有

既葬富商迫之婦取嬰兒縛胸前徑赴淮死

淮陰義婦李氏大義鄉富商妻同商者見而悅之道殺其夫厚殮以歸給云溺死且盡歸其財婦德之及除喪商來謀婚婦許嫁之後其家有暴水水有浮漚其人顧而笑婦固問之時婦已生子不虞其讐已也卽以實告之曰前夫之溺我所爲也所刺處水中浮漚狀正如此婦嘿然伺便奔告有司卒正其獄先縛所生子投之淮隨躡身赴淮死焉

徐節孝先生有詩弔之云酷賊姦饒既已除銜冤抱耻正號呼當時但痛君非命今日方知妾累夫捨義取生真鄙事殺身沉子乃良圖幾年汚辱無由雪長使清淮淪此軀詩絕佳可當義婦小傳

明

卓氏林相妻嫁二載而夫亡遺孤方一歲夫兄棟逼氏再嫁氏引刀自截其髮復齋其面棟懼遁去守節五十餘年萬歷四十七年旌表

謝氏孔椿妻年十九適椿明年椿卒遺腹子金姻戚勸之嫁遂自斷其髮鹽賈杜言強娶之遂投淮死屍逆水上行數十里至烏沙河烈女祠前止去椿墓不遠時仲夏逾旬顏色如生及金長始白母冤

見孝子推金傳

官曹于汴立祠祀之爲文以記

徐氏大河衛軍申進妻

一作日進

甫三月夫挽漕没于京計

至號哭不食旣而同運者自京回還其夫衣物氏衣夫衣投河死正德四年推官馬騏並祀于府東貞烈祠名曰雙烈

高氏生員張浚明妻浚明疾篤誓從死及歿遂自縊巡撫叢蘭上其事嘉靖十二年旌表

陳氏蔡珂妻珂疾三年卒氏遂自縊

張氏張肇先妻夫亡殮畢致篋于姑曰皆夫故物也是夜縊夫柩側死

劉氏方經紳妻壬午北兵陷城氏被執扶之上馬氏怒罵不從兵斫之數段時年二十餘

顧氏生員陳廷誨妻崇禎十五年十二月北兵臨城氏恐被污歛衣縫衽拜舅姑及夫神主投井死

右二人舊志未註何縣人不敢妄刪但淮安在崇禎末無城陷及北兵臨城事恐非山陽人

耿氏生員周鳳妻夫卒視含殮畢七日柩前自縊死旌表

張氏傅麒生妻夫亡自縊姑救之卒不食十九日嘔血死

薛氏廩生潘自任妻夫病不起預自置殮服爲自盡計及夫死乘間自縊有司上其事旌表其門

高氏曹芝節妻嫁未一月夫病刲股不效夫未殯縊死

黃氏王汝周妻夫病死翁姑托鄰媼微諷之氏曰縱朝廷勅我嫁亦不敢從有死而已無何舅納人聘氏聞之驚哭過兄弟家請辭婚不獲命又泣請于舅姑舅姑終以慮後爲言溫慰之氏知終不可挽遂投井死時年方二十鄉人私謚曰貞烈潘中丞塤爲作傳王氏諸生張禧妻夫亡晝夜哀號絕粒而死

許氏魏聖言妻夫亡殮畢觸棺碎首欲從死地下不獲越宿自縊天啟元年旌表

國朝

曹氏閻祚兆妻嫁半載夫亡七日後自經夫柩側死

龔氏王在豐妻夫病瀕危氏預製緋衣一襲人莫曉其故屬纊之夕哭不成聲汲水一器閉戶澣濯已而寂然排戶視之已衣緋自經死奉

旨建坊旌表

周氏生員周秉正女王啟禎妻嘗刲股療舅夫病復刲股不效一慟幾絕三年服闋請姑墓祭暮回仍喪服自縊死留詩于衣帶間末附云以某物爲翁姑糊口費某物爲已殯殮費

俞氏徽州寓民俞之相女程元相妻夫貿易虧本于康熙十八年自縊死氏于本年五月五日亦自縊于夫

柩側

徐氏汪起鵠妻汪病肺語氏曰我死汝好爲之徐泣曰
一子二女在設不幸爲君善後計迨子歿夫病益篤
汪復以他適勸之氏曰前以子故許君以守今已矣
請先死以慰君乃以二女屬之僕婦抽匕首自刎三
日後夫亦死

縊柩側

高氏庠生高鳴岡女適張某遇家難細縫上下衣裳投
井而死不肯辱焉

李氏生員徐超妻夫故自縊死乾隆六年旌表

陳氏徐習會妻夫故時遺腹未生及分娩彌月卽投縊
自縊正在詳請待旌

黃氏民人黃士連女年十九歲被鄰人楊惟蕃調戲投
河死乾隆三年旌表建坊

節婦

明

韓氏五節婦一韓氏名惟秀元左丞渙女耶律養正妻
歸養正六月而養正卒于官無子歸依母家適其弟
敏卒與敏妻賈氏同守節歲餘賈卒惟秀獨奉父母
洪武十七年旌表賈氏生二子曰肅曰寬肅娶楊氏
逾年肅卒楊亦守節寬娶丁氏洪武初歷官戶部侍
郎卒丁年甚少才生一子立與楊氏同守撫立立娶
金氏又早卒金亦守節皆以壽終淮人稱爲五節婦

舊志稱耶律門五節婦按五人中惟韓氏爲耶律
家婦如賈氏楊氏丁氏金氏皆韓家婦與耶律何

與而溷以耶律門稱之耶五人一出子韓四歸于韓故張檢討山陽志改稱韓氏五節婦庶爲近理又韓氏旌表已在洪武十五年餘四人守節皆在洪武以後可知舊志誤列元代想以耶律氏故誤耶今正

王氏蔡景召妻景召卒于珪方四歲江淮兵亂王挈遺孤脩歷險阻而節愈堅洪武元年旌表

夏氏蔡仲銘妻嫁二年而夫卒年才十八誓不改適洪武十六年旌表

朱氏周勝妻洪武初遜勝克校尉挈朱往勝卒朱尙少同列有誘之者以死自誓守節三十餘年永樂十六年旌表

張氏趙義妻義客死翁姑憐其幼且無子欲嫁之誓死
不從正統三年旌表

郁氏孫哲妻年十八歸哲未踰歲而夫亡執喪蓬垢不
出戶庭服闋父母欲嫁之以死自誓正德七年旌表

蔣氏段敬先妻年二十二夫亡守節五十餘年終
龐氏郁賓妻年十八歸賓二十七而夫亡守節撫孤善
理家政居積頗饒年八十九歲正德二年旌表

朱氏李塘妻錦衣衛人寓居淮安塘死守節數十年子
皆起家殷富正德二年旌表

何氏許宣妻宣卒遺二孤皆在襁褓家復毀終不改節

六十一歲終

徐氏雙節一陳宗義妻有二子一弟宗敏妻無出兄弟繼沒二氏相依爲命撫育二孤皆以壽終

周氏米鑑妻鑑沒生遺腹子守節三十餘年終

楊氏徐卿妻卿卒楊年二十六止遺一女終不改適守節四十餘年終

吉氏郡庠生邵鷺妻年十九歸鷺未幾夫卒無子姑欲嫁之吉自縊姑救之聽其守節年四十四終

金氏許敏妻敏贅五月而卒氏年才二十誓死紡績以養老母育遺腹子瑛守節四十一年終

王氏許寬妻年二十五寬卒無子母欲嫁之曰父嘗說
陳孝婦守節事姑終身今姑在堂量我不能爲陳孝
婦耶若令改志惟有死耳孀居四十五年事姑克孝
姑卒喪葬盡禮正德三年旌表

王氏張思仁妻思仁戍雲南之金齒卒于役氏守節至
老宣德元年旌表

杜氏王彥孚妻彥孚戍雲南之蒙化挈杜同往彥孚死
有慕杜色者氏斷髮自誓卒負柩携孤歸宣德元年
旌表

邵氏梁貴妻方歸貴卽戍金齒卒時邵年甫二十五携

孤裹骨以歸克孝舅姑終無二志宣德二年旌表

陳氏李彥真妻彥真溺死陳年甫十八歲守志不可奪
宣德二年旌表

孫氏韓甯妻嫁八月而甯卒氏携遺腹子還父家父與
弟又卒返依族姑年九十一終宣德五年旌表

黃氏趙仲名妻夫卒時子甫週歲守節撫孤事舅姑以
孝聞壽八十終宣德七年旌表

金氏郡庠生包九鼎妻夫卒時年甫二十四無子家貧
養姑或缺則密脫簪珥衣具以致之姑亡罄奩具營
葬守節四十餘年

楊氏陳璽妻年二十生子甫六月而夫卒撫孤事舅姑
盡孝守節三十二年

湯氏大河衛指揮王問幾妻嫁十四月夫卒矢志孝養
守節五十餘年

沈氏諸生董純妻年十八適純越二年純死子才數月
苦節四十餘年

陸氏諸生王延祚妻年二十六夫死子以章甫二歲有
諷改適者截髮以誓事姑至孝篝燈伴子讀書勸誨
伯氏四子與子章不析居守節七十餘年年近百歲
終萬歷三年旌表

陳氏許友卿妻年十九夫死子從學才四月父與翁欲
嫁之絕食求死議遂寢竭力以養舅姑殯葬如禮鬻
舍襄事哀瘠而歿守節四十二年萬歷二十二年旌
表

王氏李年妻夫亡守節凡七十餘年

姚氏張福妻夫死無親可依家貧命二子鬻餅于市年
七十卒孫應錫中武進士

周氏大河衛叅將周尺女年十六適淮安衛指揮蔣堯
臣甫十月夫死無子女時祖姑及姑皆年老孀居周
忍死事二老人有遇之改節者凡三自縊皆爲人謫

救祖姑終周詣東海負祖翁骨歸淮合塋姑患行瘡
封股救之又病風痰侍疾十餘年不懈撫嗣子汝琪
遊縣庠萬歷四十四年旌表

楊氏張貴吾妻夫卒撫週歲庶子如已出姑病封股救
之守節四十年年七十餘府縣旌之

邵氏吳思舜妻夫死守節朱大興史可法楊鼎熙俱有
旌獎年八十八歲終

楊氏劉慶通妻夫卒氏年十七立志守節年八十歲終
金氏盧應春妻夫卒時年二十三家四壁立苦節自守
五十餘年萬歷三十五年旌表

任氏衛榮妻年二十一夫亡無子以死自誓孝事舅姑苦節五十二年終

潘氏潘叔猷女諸生田禹疆妻夫亡立姪爲嗣姪又亡撫懷抱孫度日苦節五十年年七十三終

王氏廩生潘叔猷妻夫溺死無嗣立姪爲子姪歸宗復立一姪又死亡苦節六十餘年年九十一終觀察某旌其門

周氏舉人童毅妻夫病封服不效生遺腹子苦節二十二年終

葉氏韓有和妻夫卒子未週歲守節五十四年院道旌

之

楊氏李啟元妻夫亡叔啟龍妻牛氏方懷孕三月啟龍亦亡生子士洪中武舉二氏皆以壽終

李氏何其妻夫亡守節姪婦何氏與氏俱年少夫亡相依死守

許氏任應禎妻夫亡苦節五十七年

洪氏王家槐妻嫁未三月夫亡氏年十六苦節四十餘年

李氏廩生楊時蕃妻夫亡子甫三歲家貧守節教子力學弱冠成名孫杓亦諸生

穆氏顏文魁妻年二十夫亡二子俱在襁褓家貧甚苦
守四十八年巡按御史范其題旌

劉氏楊繼祖妻夫亡守節二十六年子士傑士修士傑
以諸生忝贊署霍邱縣事崇禎幾年旌表

盧氏楊伯蘊妻年三十守節壽七十七終

梁氏舉人張泰燭妻泰燭早卒氏守節撫孤壽七十七
終

齊氏年十八歸蔣有慶慶已久病氏侍疾二年慶亡長
齊六十年年九十餘沒

舊志載齊氏爲貞女按有慶雖病齊氏業已于歸
蔣門成婦道矣與未嫁守貞者異改稱節婦爲是

尹氏張嘉謨妻夫亡時年纔十九守節事姑韋氏盡孝
餽粥不繼竭力教子子致中亦有孝行母子俱被旌
表

按天啟志有尹氏康熙志遺之今坊在相
家灣南致中亦載孝義傳今據前志補之

俞氏楊逢慶妻守節撫孤艱苦備至

陳氏孟宗孔妻明末宗孔隨征流寇病歿氏守節至七
十餘歲道府旌獎

盧氏毛文美妻不數年夫亡翁姑疾刲股救之守節四
十餘年子倫以孝聞

朱氏諸生譚奇策妻幼刲股愈親夫病亦刲股療之得

延數載及卒氏守節數十年當事以純孝貞節旌之
邱氏諸生張宏緯妻父樂平守宏緯往省卒于道氏守
節至八十五歲

楊氏清河人叅議清女適山陽潘采年二十八夫亡守
節撫三子慕蕃苞皆有名氏壽至八十餘

鮑氏馮昇妻嘉靖中建坊旌表

韓氏王延祚妻

前有王延祚妻
陸氏另是一人

年二十夫亡家極貧撫

姪爲子奉姑生養死塋備極艱苦天啟五年旌表

高氏孫儒妻

淮安衛
舍餘

秦氏黃鶴妻

陶氏張魚妻

丁氏劉桐妻

宋氏李現妻

張氏尹讓妻

周氏杜珍妻

邊氏董清妻

楊氏任濂妻

潘氏沈柱妻

郭氏牟金妻

以上十一人見隆慶志康熙志未載雖未旌表然已見前志卽事實無徵未可沒其姓氏今依舊補列卷中

國朝

郭氏司應第妻夫亡子昌業亦亡撫二孫名錦名銓二孫又相繼亡氏率次孫婦郭氏撫會孫某將成人矣又亡康熙乙巳氏年八十七守節六十五年

葛氏周鎬妻夫亡自縊嫗姑救之寄居伯之奇家康熙
十三年當事給匾旌之

王氏朱自強妻夫卒立志撫孤苦節五十六年八十五
歲卒撫道等俱給匾旌之

孫氏廩生陳清叟妻適陳三日而陳亡家貧死守翁姑
亡後歸處母家尼菴中或勸其披剃曰不敢毀形恐
無以見亡夫于地下暑熱不納涼康熙十一年酷暑
異常氏所居小草舍寒牖鍵戶有如嚴冬竟病熱死
周氏李鳳徵妻夫亡苦守撫孤子全祺成立康熙十八
年建坊旌表

王氏程邦玠妻夫亡子幼族人偏其改節百計陷之盡耗其家貲又百計凌孤氏委曲調護始得成立六十
一終

劉氏王全祐妻夫亡教子應圻苦節三十餘年

周氏陳涵妻夫亡守節撫孤子願孝近三十年

汪氏潘瑚妻夫亡止生一女日食不給所居不蔽風雨

苦節五十一年

錢氏陳晉言妻夫病刲股不效撫二子苦守翁姑病亦

刲股救之

劉氏張奕灝妻夫亡矢志不二撫姪新林爲嗣

陸門三節婦周氏陸尙禮妻夫亡子天福天祚俱幼編
蓆度日二十餘年項氏天福妻夫亡無子隨姑守節
天祚生子世卿夫婦偕卒周氏撫孫項氏撫姪歷二
十餘年世卿娶趙氏世卿又亡遺子樞甚幼三代孀
居邑人哀之知府張琯給匾旌之

華氏張魁吾妻夫客死氏苦志守節撫二子成立年八
十四終

管氏張祿妻夫死依兄以居撫二子成立凡四十餘年
張氏李逢序妻夫病刲股救之越三年夫沒氏年二十
教子挺蕃成立孫戴禮亦食饌于庠

劉氏諸生許必先妻夫死守節教子女八人皆成立壽八十餘歲

劉氏布政司劉自竝女諸生杜象成妻夫病刲股愈之
越數月而卒子雯方三歲守節四十年雯鄉試中式
詹氏王繼禮妻夫死守節六十餘年年九十三終子家
棟娶高氏逾年亦亡高氏同詹守節亦歷四十餘年
張氏高樸妻夫亡子幼夫兄屢偈改節氏斷髮毀容誓
不二天

張氏王曾圖妾曾圖死氏毀形垢衣自表其志年七十
一終

章氏章梓女諸生禹守貴妻夫病刲股不效夫故苦守
六十二年壽近九十長孫昌言邑廩生次孫昌夏壬
子武舉康熙十七年 旌表

孫氏諸生徐貢瑞妻崇禎八年夫亡守節

任氏汪功敏妻夫死撫孤子燦守節歷五十餘年

王氏諸生班奇謨妻夫死子天祐方四歲氏矢志守節
教天祐入邑庠天祐又死婦傘氏同姑守節亦教子

入郡庠

許氏諸生劉行之妻夫死守節教子三人皆列邑庠
季氏諸生金章妻夫故子九貢甚幼守節撫孤歷三十

五年

于氏楊際明妻夫故教二子成立苦節五十年

閔氏諸生程竣妻崇禎十三年夫故撫幼子鴻錦備歷艱苦學道梁公給匾旌之

許氏丁卯舉人武柱國繼妻武携子往江南溺死江中氏苦守五十九歲終

郭氏諸生許維風妻未死二子皆幼苦守四十年教子成立

孫氏邱大成妻成死子憐甫週歲家貧苦節數十年

何氏周孟卿妻姑病刲股夫卒立志苦節五十一歲終

厲氏王國銓妻夫亡守節二十八年事姑盡孝教二子
延年長年克有成立康熙十八年旌表

張氏諸生嚴有定妻夫亡守節撫二子可宗可昌成立
蔣氏陸行可妻嫁一年夫死于難守節三十七年與姊
貞女皆無家產俱隨父樹猷度日

舊志稱蔣氏雙貞俱別貞女非也
姊爲貞女妹爲節婦分載爲是

許氏任應禎妻年二十二夫亡守節五十一年

邱氏行人可孫女諸生李天定妻夫死子繼鎧俱幼與
娣姒楊氏岳氏同心守節邱以子繼貴封太宜人岳
氏子鍾早死妻許氏亦守節

楊氏諸生張奕欽妻守節四十餘年

葉氏諸生張鵬程妻年二十八守節壽八十當事旌之

徐氏丁世高妻年二十八守節凡六十年順治十八年

旌表

劉氏諸生杜潛妻嫁一年夫亡守節至八十九歲終

徐氏李昂妻嫁未一年夫亡守節四十餘年

田氏朱廷祥妻年二十四守節壽七十六當事旌之

劉氏習世祿妻年二十四守節壽至八十餘

王氏周爽妻十九歲守節壽六十六終

謝氏諸生祝得芳妻二十五歲守節壽八十餘終

靳氏谷應科妻二十八歲守節壽至八十

梁門三節婦一張氏梁惟敬妻年三十而寡子汝大一
曹氏汝大妻年二十六而寡子棻一朱氏棻妻年二
十九而寡張守節三十二年曹守節三十四年朱守
節二十二年一門三世皆節婦

尹氏王廷璧妻夫病刲股不效年二十二守節歷三十
餘年

林氏臧繼文妻年二十九守節

張氏馬世麟妻年二十八守節歷四十一年子永祚有
孝行

查氏馬自信妻苦節五十餘年年七十四終

吳氏汪濟源妻年二十三守節撫幼子用賓長亦娶吳氏用賓又亡二氏同心守節

熊氏湯夢麟妻年二十七守節壽八十三終

陳氏湯應聘妻年二十六守節壽六十終

沃氏拔貢生張致中繼妻夫亡年未三十守節四十餘年妾沈氏亦從氏守節

程氏孫繼士妻年二十四守節

周氏倪允茂妻年二十八守節壽七十五終

張氏叅議岳鍾秀子如芑妻年二十六守節歷三十七

年

杜氏張黎閤妻年二十二守節壽至八十

殷氏宋祐孫妻年二十四守節

滕氏常大勲妻年二十七守節歷四十餘年

周氏駙馬後裔黃鍾先妻年二十七守節壽六十三

梁氏趙特簡妻年二十四守節二十八年而卒

茹氏朱兆麒妻夫病氏刲股救得延二載而卒氏年二

十七歲守節

徐氏周純善妻純善以哭母致疾氏刲股救之踰年而

卒氏年二十七守節

王氏劉君申妻年二十餘守節歷四十餘載

孫氏朱守業妻年二十餘守節壽至七十餘

范氏檢討張鴻烈子坊妻二十一歲守節年五十一終
乾隆十一年現在請旌

安氏馬文宿妻幼割股救母旣嫁割股救姑夫亡年二
十七歲守節五十餘年府縣給匾旌之

王氏劉發源妻發源割股救母去肉過多血流不止遂
至殞命氏年十九守節撫孤子永思貿易養母爲叔
所欺遂投河死妻左氏年二十四奉孀姑同守王壽
七十九左亦六十餘

洪氏張學妻年三十守節壽至六十九孫克恭妻顧氏
克信妻章氏俱三十內守節顧壽六十六章壽八十
胡氏郭維垣妻年二十五守節壽七十二終當事旌之
陳氏于猶龍妻年二十四守節壽至七十四

張氏潘夫妻年三十守節壽踰七十

郭氏陳明典妻年二十五守節窮苦萬狀府縣給匾旌
之

張氏徐文曄妻年二十九守節歷四十餘年知縣給匾
旌之

陳氏嚴某妻夫卒子幼歷三十餘年

李氏廬士祥妻十九歲歸廬未及一年夫亡守節數十年

靳氏朱某妻年二十三守節壽七十餘

嵇氏杭州知府宗孟女兵部主事王家楨子依妻年二

十六守節壽七十餘

朱氏叅議陳台孫子植妻夫死守節已數十年

梁氏兵部督捕徐越子充妻年二十餘守節已數十年

關氏嘉興府若琛女濟源縣知縣胡可及子某妻夫溺

水死氏年二十餘守節

丁氏曹珊妻年二十六夫亡孝事翁姑撫育二子守節

已四十二年雍正十三年建坊 旌表

禹氏州同胡昌禧妻年二十六而夫亡守節五十九年

洪氏陳宗劉妻

以上二人雍正四年 旌表

楊氏增貢生胡禹齡妻年二十三夫亡守節已三十九年

馬氏周坦生妻年十九夫亡守節三十二年

武氏成琰妻年二十二夫亡守節三十四年

馬氏任珪妻年二十一夫亡守節三十二年

童氏候選州同汪國寶繼妻年二十六夫病刲股以救

夫亡撫元配二子如已出守節四十一年

陳氏生員王舉妻年二十四夫亡守節二十六年

張氏丁榮登妻年二十九夫亡守節三十三年

郭氏大理寺寺副邱象升妾年二十七夫君亡守節四十八年

黃氏彭皆六妻年二十九割股救夫夫亡生遺腹子曰聰守節五十年

丁氏楊吉士妻年二十七夫亡守節二十九年

解氏盧文貴妻年二十四夫亡上事翁姑下撫二孤子翁姑歿宅遇火氏悲號返風得無恙守節五十一年

修氏孫永慶妻年二十五夫亡守節已四十九年

朱氏程朝徵妻年二十九夫君亡守節三十八年

以上乾隆二年旌表

陸氏監生程鞅繼妻年二十八夫亡守節三十四年

程氏勅贈候選州同孫志瑤妻年二十九夫病刲股

以救夫亡守節三十八年

王氏程國傳妾年二十四夫亡守節五十三年

王氏生員邱煦妻年二十九夫亡守節二十四年

梁氏生員潘煜妻年二十九夫亡守節已四十四年

朱氏沈敬祖妻年二十九夫亡守節二十五年

龔氏程潤妻年二十七夫亡守節二十六年

楊氏程文昭妻年二十八夫亡守節四十九年

陳氏生員劉景元妻年二十七夫亡守節三十七年

馬氏生員陸應騏妻年二十三夫亡守節五十年

魯氏周汝琯妻年二十六夫亡守節已三十一年

王氏刑部員外孫志瑞妾年二十夫君亡守節已四十三

年

李氏朱德美妻年二十八夫亡守節已四十一年

傅氏江元公妻年二十六夫亡守節五十一年

馬氏宰建中妻年二十七夫亡守節三十四年

朱氏金堯卿妻年二十八夫亡守節已三十五年

汪氏生員黃聖宣妻年二十九夫亡守節三十九年

楊氏監生張大經妻年二十八夫亡守節五十五年

張氏陳震妻年十九夫亡守節三十三年

陳氏丁醇妻年二十二夫亡守節四十一年終訓課子

孫俱能成立

康氏監生彭萬霄妻年二十七夫亡守節二十四年

丁氏監生羅景嵩妻年二十七夫亡守節四十八年

盧氏周銑妻年二十九夫亡守節三十六年

楊氏卽七襄妻年二十一夫亡守節五十七年

胥氏刑部員外孫志瑞妾年二十六夫君亡守節十六年

秦氏劉希友妻年二十九夫亡守節五十三年

孫氏劉國琰妾年二十九夫君亡守節四十九年

以上乾隆三年旌表

潘氏張聯元妻年二十二夫亡守節已三十八年

張氏監生李睿妻年二十九夫亡守節四十五年

宋氏俞國麒妻年十九夫亡守節四十九年

薛氏施于政妻年二十六夫亡守節已三十五年

朱氏孫志升妻年二十八夫亡守節三十七年

婁氏候選州同陳應暉妾年十八夫君亡守節二十五
年

沈氏廩生吳再謨妻年二十四夫亡守節三十年

邱氏生員張鴻燭妻年二十四夫亡守節三十四年

朱氏經歷祁孟鴻妻年二十九夫亡守節五十二年

于氏王國棟妻年二十五夫亡已守節三十四年

劉氏生員周天孫妻年二十七夫亡守節已三十五年

楊氏禹治定妻年二十七夫亡守節四十七年

劉氏程奎妻年二十三夫亡守節三十年

方氏程之橋繼妻年二十八夫亡守節三十三年

經氏龔三捷妻年二十五夫亡守節二十七年

查氏監生程羣繼妻年十九夫亡守節三十九年

馬氏沈肇柱妻年二十四夫亡守節已四十四年

郭氏龍國寶妻年二十六夫亡守節四十六年

程氏石銘修妻年二十九歲夫亡守節三十八年

張氏王泓士妻年十九夫亡守節四十四年

鄒氏何密妻年二十四夫亡守節五十六年

劉氏懷集縣知縣施烺繼妻年二十八夫亡已守節四

十四年

胡氏張宗嗣妻年二十八夫亡守節三十二年

淮步府志 卷之三十三
趙氏宋君符妻年二十九夫亡守節五十五年

馬氏李爲椿妻年二十五夫亡撫遺腹子善曾成立守

節三十年

陸氏羅之琳妻年二十四夫亡守節五十年

胡氏張聯元妻年二十八夫亡守節三十二年

張氏周凝祉妻年二十五歲夫亡守節五十三年

以上乾隆四年 旌表

田氏郝文恕妻年二十九夫亡守節三十一年

王氏管聲溶妻年二十二夫亡守節已三十六年

周氏徐璋妻年二十八夫亡守節三十二年

陳氏馬振東妻年二十一夫亡守節已四十年

王氏任長貴妻年二十五夫亡守節四十六年

陳氏劉登妻年二十七夫亡守節已六十二年

方氏貢生周師旦妻年二十五夫亡守節已五十五年

以上乾隆五年 旌表

沈氏田奕業妻年二十八夫亡守節二十六年

陳氏潘可榮妻年二十六夫亡守節三十七年

李氏候選州同方廷元繼妻年二十五夫亡守節已五

十三年

許氏候選州同程國佺妾年二十五夫君亡守節已三十

六年

姚氏黃玉茗妻年二十八夫亡守節三十五年

范氏許檜齡妻年二十七夫亡守節四十三年

王氏鄒預妻年二十五夫亡已守節四十七年

許氏候選州同邱懋妻年二十六夫亡守節三十一年

張氏陳金錄妻年二十七夫亡守節四十四年

吳氏富陽縣縣丞邱說妻年二十九夫亡已守節二十

八年

王氏生員王兆夔妻年二十八夫亡守節二十六年

時氏邱冊作邱字士璵妻年二十九夫亡守節二十六年

魏氏謝宜生妻年二十八夫亡守節二十七年

杜氏盛大栢妻年二十六夫亡守節已四十八年

朱氏監生周子常妾

許氏生員李守正妻年二十六夫亡守節二十九年

洪氏程之椿妻年十九夫亡守節三十二年

詹氏附監生徐震妻年二十八夫亡守節四十一年

張氏郝士瑚妻

李氏任宗元妻年二十四夫亡已守節三十二年

邱氏李熹妻年二十五夫亡已守節三十三年

傅氏胡爾玉妻

任氏梅雨三妻年二十四夫亡守節三十八年

徐氏李蕢妻年二十九夫亡守節五十四年

朱氏周愈祖妾年二十七夫君亡守節四十五年

錢氏任士麒妻

李氏徐超妻

以上乾隆六年旌表

方氏盧豸御妻年二十三夫亡守節四十八年

鞠氏趙德吾妻年二十九夫亡守節五十九年

楊氏崔毓英妻

張氏魏得甫妻

以上乾隆八年 旌表

陸氏監生程祖清妻年二十六夫亡守節已三十一年
陳氏謝韶恩妻年二十四夫亡已守節三十二年

以上乾隆十年 旌表

陳氏不知其夫姓名有欲辱之者氏不從遂赴井死現
有墓與井在漂母祠內墓上有碑云節婦陳氏康熙
八年奉府縣立

汪氏黃仲生妻

田氏潘有邑妻

王氏馬似龍妻

項氏戴欽妻

嵇氏陳廷諫妻年二十八夫亡守節二十五年

韓氏許驕妻

安氏陸毓妻

王氏章豹妻

黃氏葉齡妻

開氏高倫妻

李氏舒大宗妻

陳氏俞漢斌妻

謝氏徐一襄妻

黃氏王益寬妻

黃氏葉夢鰲妻

程氏李應溥妻

李氏戴大纁妻

程氏劉永禕妻年二十九夫亡守節三十年

賀氏劉永禕妻年二十八夫君亡守節已三十二年

蔣氏高全侯妾年二十八夫君亡守節五十八年

周氏張生魯妻

楊氏戴大系妻年二十六夫亡守節已二十七年

陳氏王炳妻

王氏沈鎧妻

朱氏周延士妻

梁氏滕縣知縣黃浚妾年二十七夫君亡守節已二十五
年

張氏監生戴星妻

王氏生員許瀛孫妻年二十四夫亡守節二十九年

以上乾隆十一年現在請旌

姜氏吏科給事阮應裔妾年二十五而夫君亡守節已
二十九年

熊氏貢生高全俸繼妻

陳氏生員高璠妻

程氏陳宏智妻

胡氏吳昌遠妻年二十八夫亡守節已二十八年

曹氏李宮妻夫亡時年十八守節二十六年

潘氏薛本仁妻

童氏庠生譚畧妻

張氏史嚴叟妻年二十八夫亡守節四十七年

陳氏史彭年妻年二十三夫亡守節已三十八年

劉氏王衷淵妻年三十歲夫亡守節三十一年

吳氏楊芸妻

王氏楊維舜妻

楊氏曹鏞妻

李氏王國柱妻

葛氏孫如璠妻年二十五夫亡守節已三十三年

余氏邱之玫妻

沈氏邱直方妻

許氏程國鎮妻

李氏程國錫妻

徐氏蔡天毓妻年二十一夫亡守節已三十四年

程氏生員李天祥妻

張氏張天簡妻

張氏張嗣焯妻年二十九夫亡守節三十二年

程氏施可爲妻

張氏大理寺寺副印象升妾

許氏葛光壁妻年二十八夫亡守節已三十四年

王氏張志炳妻

郝氏孫遵妻年二十七夫亡守節已三十九年

杜氏生員梁文燁妻夫亡時年二十歲守節六十六年

楊氏張是妻年三十歲夫亡守節已三十六年

程氏周順孫妻

葛氏王佩妻夫亡時年二十九歲現年七十三歲

劉氏陸志超妻夫亡時年二十九歲生子伯齡甫週至

今守節已四十三年

程氏童琰美妻

陸氏監生程建言妾年二十七夫君亡守節十七年

周氏生員萬延禧妻嫁四月而夫亡時氏年十九孝事

翁姑存歿盡禮今守節三十三年年五十二歲

何氏丁慎妻

范氏孫溱妻夫亡時年二十二歲守節四十八年

楊氏梁伊妻夫亡時年二十四歲今年已七十守節四

十七年

鮑氏蘇宏應妻年二十而夫亡現年五十九歲苦節三十九年

安氏童瓚妻夫亡時二十三歲生子皆吉甫四月撫孤教育守節四十一年

姜氏熊登龍妻夫亡時年二十四歲八十四歲而終守節六十一年

袁氏廩生許一翥妻夫亡時年二十九歲守節五十六年年八十五歲終

王氏附監生邱怙妻夫亡時年二十八歲現年八十五

歲

葛氏周綱妻夫亡時年二十九歲守節二十一年

吳氏生員顧諲繼妻夫亡時年三十歲至今守節已四

十二年

楊氏劉錦妻年二十九夫亡守節已二十七年

周氏劉懷妻年二十九夫亡守節已二十七年

杜氏監生高殷妻年二十四夫亡現年五十二歲

徐氏王容妻年三十夫亡守節已三十年

張氏楊顏妻年二十六夫亡守節已三十一年

沈氏牛肯生妻年二十六夫亡守節五十二年

王氏陳世輅妻年三十二歲而夫亡守節四十二年

以上下年詳旌

貞女

明

何氏慕額貞烈載在祀典事詳藝文內推官馬騃碑記
顏清女銳兒年十四正德七年爲賊執義不受辱自刎
而死事聞朝廷旌之

按舊志此條下未著縣名故疑不敢刪又考舊志
雖事縣陵墓下有雙烈墓墓徐鳳岐女名雪梅嚴
清女名銳兒疑卽此人嚴顏字音
相近傳寫之訛也然未敢遽定

咎氏許字蕭國禎禎溺死咎聞訃奔弔服斬不歸髮不
膏食不葷另築一垣隔絕內外相依惟一小婢立姪
爲嗣年五十卒

葉氏名善祥年十四許嫁張衢越二載未娶而卒訃至
善祥泣數日不止未幾父母退還張家原聘善祥留
其雙釵曰我已許爲張門婦應戴此釵後議婚納聘
促善祥出拜善祥乃閉戶容飾簪張家釵自縊死

朱鸞女母周氏生男女各一鸞卒謀改適女年十四五
勸母不聽母欲挾以行不從嫁之日哭以送之遂投
河死時女已聘于人屍逆流而上到所聘門前立水
中

鮑氏李揮使之子妻也未嫁李氏十卒父母欲奪其志
誑詞以服闋展墓焚楮畢卽如命父母許之每夜假

誦經需油陰漬所著衣及期展墓焚楮帛巨萬急躍
入火中 萬曆四年副使舒應龍知府邵元哲勒石
表 墓後人建祠于墓所歲久積敗郡人程鍾重爲
建造且爲之請旌于朝乾隆六年建坊 旌表
劉氏名妙圓許字張森未嫁森亡女親往送墓遂守志
終身年六十終

黃氏知山陽縣黃文煥孫女許字山陽人劉希賢未嫁
而文煥沒希賢亦病亡女時隨母居金陵百計奪其
志不從載女歸劉家號擗斬衰如初喪時姑老且病
留侍湯藥族人爲立一嗣又以痘殤姑亦亡氏無可

依一慟而卒

張氏胡濂妻未嫁而濂死誓不他適守貞終身

張氏楊位妻未嫁位歿毀容誓守死

國朝

蔣氏許字嘉興府知府高士望孫日昂未成婚而日昂卒女赴喪次成服歸誓不字人堅節五十年

舊志載蔣氏襲貞按蔣氏長女未嫁守貞此貞女也季女已嫁守節此節婦也當分載二處

王氏許字馮京麒康熙九年京麒卒氏聞變自縊人覺救之越兩月終閉戶縊于牖下

沈氏許字薛國琳琳病卒氏聞訃自縊死具題建坊

趙氏許字張景緒景緒卒素服往弔及歸遂不食閉戶
自縊死壻父乞女柩合葬于城北竹園現在請旌

許氏許振字女未笄嘗刲股救親許字周廣庇廣庇亡
氏卽衣縞過周氏門呼姑拜之曰今來守節親戚咸
勸其歸誓不從又以妹配廣庇弟姊妹同心事姑姑
病刲股救之數日姑逝未幾妹亦逝孤苦無依歸處
兄家氏能讀書善作字尤工刺繡族人尊爲女師

許氏車家橋民家女父爲擇配以星士推算命主刑夫
卽堅志不嫁強之卽欲以死徇在家二十餘年始披
剃爲尼里人異之施田造庵以成其志

王氏諸生王沛商女許字石日孚日孚卒女過門守節
卒後郡人劉水部愈等爲之捐金立祠合蔣管二貞
女祀之在新城西門內道府縣皆贈額旌之

蕭氏許字孫有常年十八守貞乾隆四年 旌表

曹氏許字李士達乾隆四年 旌表

胡氏許字生員汪希仁夫故氏年十七聞訃奔喪教育

嗣子乾隆六年 旌表

李氏許字邵棠邵卒氏年十七卽過邵氏守貞歷六十

一年年七十八歲終乾隆十一年現在請旌

潘氏許字林世潮林卒氏過林門守貞孤苦無依仍歸

兄家以居乾隆十一年現在請旌

邱氏許字陸蘭紛紛卒氏欲往弔不獲因以死誓父母防之百端乃暗吞磁末一旬腸斷嘔血而死

梁氏許字曹試壯壯卒氏赴弔不歸迄今已二十七年董氏許字王位位卒氏過王家守貞迄今已四十年正在詳請待旌

齊氏許字費朝元元卒氏於次日弔喪誓守貞奉養孀姑扶育嗣子於乾隆五年物故守貞一十八年

郭氏幼字陳可銓銓歿氏年二十歲聞訃哀毀泣絕水漿不入口次年姑歿往弔請嗣旋以哀痛成疾死紳

士俱有詩歌輓之

楊氏崔毓英聘妻未嫁夫亡聞訃奔喪事舅姑盡孝舅國翰任雲南縣佐歿於官舍氏以弱媳扶柩萬里教育嗣子克有成立雍正十二年旌表乾隆八年入

節婦祠

鹽城縣

孝婦

明

王氏司拱辰妻刲股救母又刲股救姑當事以純孝可
嘉旌其門

國朝

高氏孝廉爾珫女年十三刲股療母長適貢生沈志范
善事舅姑姑嘗曰此吾家賢婦也高老病媳閻氏亦
刲股療之

陳氏潘姓之婦姑病引刀剜乳下肉以進姑遂愈

吳氏孫三元妻舅久病不痊焚香祝天割股以進舅遂愈

徐氏李士顯妻姑臥病三月衣不解帶垂危無計焚香告天割股進之忽瘥

戴氏翟士賢妻年二十二夫亡無子紡績養姑終身無怨

成氏廩生樂繹妻事舅姑以孝聞姑病兩次割股以療之病皆瘳

成氏曹廷球妻割股救姑

楊氏董金山妻割股救姑

吉氏諸生楊苞妻善事舅姑雍正丙午四月姑染危疾
焚香祈天願以身代未幾舅復患痢刲股療之獲愈
縣令衛公哲治題其門曰儒門淑媛

夏氏性至孝已適人父病篤願天剖股療之父旋愈時
氏有身將產家人危之不旬日瘡遂平咸以爲至孝
天祐云

顧利貞諸生顧蘇之女蘇病臥八月利貞號泣告天願
以身代刲股作羹以進蘇病得起

烈婦

宋

陸丞相秀夫夫人史失其氏隨丞相浮海厓山破丞相
仗劍趨妻子入海夫人有難色丞相曰爾去怕我不
來夫人隨同二子先沉於海明宏治中廣東布政使
劉大夏建祠祀楊太后以夫人配享萬厯時鹽學祠
訓龐尙鴻申請當道亦以夫人及二子配享公祠

明

王氏諸生劉存仁妻存仁孝子劉鑒子也病卒氏於是
夜縊死夫旁有司以聞建貞烈祠在板橋市南

胡氏顏遂妻年十九適遂三年夫卒矢志不二舅姑以其無子且貧潛以許人一日聘禮至悲號幾絕是夜自縊死有司以貞烈旌其門

鄭氏王路妻夫亡年甫二十九蓬首垢面經年不履閭外撫二孤相繼痘殤遂自縊死

張氏那楫妻年十八夫亡踰旬自縊死

胡氏劉國用繼妻夫亡自經夫柩側知縣陳美親至視棺殮手書節重身輕四字旌之裂帛爲文以薦比塋又手篆烈婦胡氏之基六字表其阡事詳宋曹所撰

傳

蔣氏蕭儒妻夫死惟二女截髮誓守夫兄欲奪其產迫之改嫁不堪其虐蔣控之巡鹽御史下郡司理夫兄誣以姦蔣難自解引利刃祝曰穹蒼在上我怨無窮遂斷其左腕衆驚詫夫兄始伏辜知府高命重髹其手作石函貯之爲文申鹽院謝院批萬古綱常千秋名節一手可扶行縣給束帛且旌其門

國朝

孫氏朱得春妻家窘甚夫謂之日合則俱死分則兩全爾謂如何孫日寧死不從命又數日飢餓不能起孫曰節義廉恥人有其心如天意何遂自刺死

李氏殷尙義妻有容色夫貧受隣人賂密許與通李氏知之給夫出繫兒女於床自溺死

高氏成昌代妻年二十七夫亡晝夜悲慟一女方七歲夫在時已許爲某姓婦氏強召其舅姑將女去人疑氏有他志氏亦不嗔七盡設祭列雙箸滿二下縊死
柩旁有司表之

朱氏諸生趙錫疇妻錫疇於康熙七年因奏銷案赴京返至沂州地震隕命宋聞訃一慟幾絕及櫬歸以頭觸棺流血淋漓厝畢絕粒死

朱氏呂震男妻年二十一夫亡矢志奉姑姑因家貧欲

再嫁之朱泣不從姑潛許人及聘期坦容以示不疑
聘禮至遂自縊死

蔣氏張樹名妻隨夫館淮上劉伶墓側夫亡無子蔣哀
哭措塋畢遂自縊死土人重其節烈具棺殮之與樹
名合塋

王氏張允曙妻夫亡於百日之期投繯而死時年三十
九

楊氏監生薛衷妻衷病暴劇氣絕楊度無生理遂自縊
及衷復甦妻已殞

胡氏王椅臣妻椅臣病篤諭妻曰吾死爾年少家貧無

淮步月記 卷之三
以自給宜改圖爲終身計胡泣曰夫慮我請先死夫
好瞑目卽於是夜自縊死時年二十八

王氏廩生成肇孫妻肇孫病念妻無出氏曰君無慮必
不辱君夫歿卽於次日縊死年甫二十九乾隆四年

建坊

潘氏苗長延妻年二十二夫亡自縊死有司旌其門

劉氏夏自慊妻年十八歸自慊牛載而夫死無子孝事
孀姑者十年至康熙壬午姑以壽終舍斂治墓畢氏
閉戶不食而卒知縣鄭鼎褒爲苦志奇節

鄭氏楊子厚妻子厚雙瞽鄭親奉湯藥不懈及夫卒斂

畢輟哭以刃刺喉斷吻而死

邵氏沈琮妻夫亡邵年二十二誓以死殉家人防之乃
密藏涵夜服而死時康熙六十年乾隆四年 旌表
薛氏蔣鏞妻夫卒因有遺腹剪髮伴斂及誕乃得死胎
遂痛哭絕粒死

許氏劉閻士妻閻士病篤刲股以進竟不起遺孤甫十
月又患痘殤因哭拜夫柩坐床自經距夫死二十日
身著麻衣懷一帖云我死無易我服家人成其志雍
正八年事也十三年建坊

唐氏蔡虎妻年十六夫亡遺腹子至三歲溺死唐悲夫

絕嗣遂引刀自刎死時雍正三年有司旌以青年節烈

秦氏王麟長妻夫亡踰四月舅亡次年姑又亡連構三喪慘不忍生無孤可撫遂於姑沒之後安居事畢自縊死時年二十

王氏潘開泰妻年二十二夫亡無子誓不再適親族憫之微言以勸遂縊死斂時有白鶴鳴空人以爲貞操所感

呂氏楊文宗妻文宗病刲股旣死欲自盡因夫逋未完夙夜鍼黹償債畢服衰麻自縊時年二十四知縣魯

宗懋獎曰巾幘完人

薛氏蘇季占妻季占於甲申亡氏年二十二自經以殉
王氏孫天涵妻年二十五夫亡自縊死

劉氏張莘臣妻遇暴不從自縊死雍正三年旌表

倪氏吳其中妻遇暴調戲自縊死乾隆五年旌表

蔣氏姜恩士妻夫亡三年喪畢服麻衣自縊死時年二
十八知縣程國棟旌以節烈可風

姚氏高應侯妻年二十一應侯死姚勺水不入口泪盡
血流自縊死時乾隆二年

節婦

明

黃氏許成五妻年十七夫卒子方週歲姑王氏年老氏奉姑撫孤子時元季兵亂偕姑避兵海州就食濟甯洪武初乃還脩嘗艱苦四十年縣令俞順辰上其事特加旌表

李氏唐彥寶妻年十九生子三歲夫卒紡績以奉舅姑守節六十餘年縣令劉諒上其事天順六年旌表

劉氏夏廣業妻年二十二夫卒無子誓守節知縣陳燦旌其門

安氏廣信通判瞿鑑繼妻年二十七夫卒無子撫前妻
子如已出守節四十餘年有司表其門

張氏錢氏張朱价妻年二十二夫亡遺孤子金長娶錢
氏未幾金亦亡無子姑婦相守貧苦益堅張八十三
終錢七十五終督撫王宗沐以雙節旌其門

凌氏徐華妻年二十一夫亡撫遺腹子父母強以再嫁
誓死不變

成氏薛基妻年二十夫亡無子守節五十六年

金氏高守德妻年二十三夫亡子隆甫週歲撫孤事舅
姑盡孝守節五十二年

三氏薛蓮妻年二十一夫亡子賓在襁褓守節六十三
年

唐氏丁寶妻年二十六夫亡子廣甫三歲守節五十年
趙氏諸生梁遇妻撫孤守節六十年

張氏諸生凌玠妻適玠九月玠卒撫遺腹子世學守節
五十五年終

周氏諸生唐瓚妻年二十夫亡子邦方二歲守節四十
餘年

薛氏諸生金思妻年二十夫亡守節五十三年

李氏陶欽妻年二十二夫亡事姑以孝守節五十年

王氏張義方妻年二十二夫亡守節

成氏張寵妻夫亡守節八十八終

楊氏張子增妻年二十二夫亡守節五十三年

張氏陸承芳妻年十九夫亡撫遺腹子守節六十二年

蔣氏李叢妻年二十四夫亡守節

王氏李嘉言妻年二十一夫亡守節五十五年

宋氏姜勉妻年二十四夫卒子在襁褓守節六十餘年

張氏申貢妻年二十一夫亡子幼兄嫂強其再醮剪髮

以誓紡績養子後兄無子以其子廕千戶職壽七十

三終

鄭氏唐淮卿妻年十八夫亡守節六十五年

王氏諸生夏時中妻年二十四夫亡子紹尙在襁褓苦

節四十餘年院道旌其門紹後爲內江縣丞

邢氏帖鐸妻年二十五夫亡守節壽至七十九

夏氏王瑞妻夫亡守節有司旌之

薛氏廩生樂環妻年二十二夫亡無子守節壽八十餘

終建坊立祠

潘氏淑貞王彥高妻夫亡守節又出粟四千石賑饑勒

石旌表

殷氏孟世昌妻適孟未三月夫亡以婦代子職屢遭凶

歲紡績針黹供養不缺各院旌之

孫氏諸生易無極妻年二十二夫亡守節其子之興年十五刲股救母事聞建坊匾其門曰母貞子孝

易氏諸生王在鎬妻夫亡守節四十年

劉氏諸生薛橋妻年十九夫亡一子甫彌月姑年老奉姑撫孤壽八十四而終

周氏夏道一妻年十九夫亡無子斷髮納棺誓不二適守節三十八年

顧氏陶守成妻年二十二夫亡撫二齡孤子家壁立教子成名

蕭氏熊時信妻夫亡育姪爲嗣守節四十年各院旌之
薛氏李化龍妻年二十二夫亡子甫週歲而孀姑年八十餘紡績以備甘旨子之秀奉母盡孝母子俱獲旌
吳氏王師儒妻

曾氏耿諫妻有司旌其門

凌氏郭魯得妻魯得父化成官太湖訓導子婦隨任魯
得卒氏年二十四二子皆幼化成陞府谷令氏復侍
舅姑之陝已而城被兵化成殉國孀姑七旬氏扶櫬
歸奉姑教子閭邑欽之公舉旌表

國朝

孟氏生員夏啟元妻年二十三守節有偶之改適者以
刀斃面乃止壽八十三各院題旌

薛氏廩生凌天允妻二十二守節年八十終

顧氏沈毓奇妻苦節四十餘年教子漢成進士

凌氏宋灝妻年二十一夫亡無子守節五十餘年康熙

十八年旌表

張氏王琳妻年二十二夫死無子守節四十餘年事繼

姑徐氏盡孝

薛氏生員夏生妻年二十四生亡子在襁褓未幾又天

守節歷三十餘年

楊氏劉恩妻恩死時氏年十九子甫四月守節

李氏周鍾嶽妻年二十一夫亡無子守節四十三年

周氏陸元珍妻年二十二珍死無子斷髮自誓守節歷

四十年

朶氏沈誠妻守節六十二年

殷氏陳之猷妻年二十九夫死子僅四歲屢遭凶荒以
死自誓壽七十有司旌之

王氏庠生許爾楫妻年二十四喪夫遺一女僅三月守
節歷三十五年

瞿氏朱振宇妻年二十六守節七十一歲卒

華氏張天德妻邱氏張天性妻廢居時華年二十一邱年十九德子才二歲性子五月二氏育兩遺孤歷四十餘年

倉氏王廷贊妻年二十四守節家極貧七十一歲終
孫氏吳暹妻守節三十餘年終

成氏殷世祺妻年二十八夫亡遺孕誕女父母欲嫁之
斷髮毀面誓死不二

張氏王廷旦妻年二十四守節教子成立有司旌之
馬氏張其新妻年十八夫死子二歲夫弟逼其改節氏
自縊再投河俱被救不死苦節四十餘年

蔣氏劉溥妻踰年夫卒無子守節四十五年

洪氏張翼飛妻年二十二守節歷十二年

李氏劉天瑛妻年二十四夫死遺二孤孀母八旬氏晝夜勤劬以母兼子有司旌之

李氏王國佐妻年二十夫亡子方三歲守節歷四十五年

曾氏朱詠之妻守節五十七年

朱氏林文郁妻年十九夫亡遺孤數月守節歷五十餘年

顧氏李士傑妻年二十二夫亡子在襁褓族人勸其改

節毀容自誓苦節歷四十八年

金氏張仲妻年二十二守節歷三十餘年康熙二十年旌表

陳氏宋茂元妻二十九歲撫孤守節八十四歲終長孫穀貽妻殷氏年二十九三孫安貽妻張氏年二十五俱同志守節

孫氏張士德妻年二十五守節子在襁褓貧甚族人勸之改適乃剔目自誓採薪辟繡以度日壽七十有司旌之

倪氏高華允妻年二十五守節歷五十年

陶氏彭興妻年二十二守節七十三歲終

戴氏陳開江妻年十九夫亡遺腹生男守節歷四十餘年

夏氏梁起潛妻守節五十五年

王氏顏時休妻夫亡守節

陶氏薛璵妻年二十一夫亡無子守節歷六十九年嗣子德嚴又天亡無子妻夏氏年十九守節歷四十二年

司氏陸呂陽妻年二十四守節歷四十一年

薛氏廩生夏昀妻撫孤守志教子入泮守節四十年女

適梁廕隆亦少寡守節

謝氏王師皇妻年十八守節歷五十二年邑令旌之

唐氏庠生夏洪範妻側室沈氏生一子夫死二氏俱年

少相誓守節三十年

王氏殷坦妻年二十六守節歷三十餘年

趙氏楊紹祖妻年二十八守節歷五十年

夏氏楊廷秀妻年二十八守節壽九十二子枝生妻姜

氏年三十守節歷四十年

王氏庠生張大成妻年二十一守節壽八十五

宋氏楊景艷妻守節五十三年

夏氏庠生姜長茂妻守節四十一年

周氏宋振貽妻年三十夫亡無子編蒲易粟守節至老
陳氏吳中義妻夫亡撫孤守節中義有胞弟夫婦夭亡
遺一子未週撫育如子

王氏徐碩妻年二十七守節歷三十四年

姜氏楊塗妻年二十一守節歷三十五年

顧氏吳嵩妻年二十四守節歷三十餘年

樂氏武舉李鉞妻年二十六守節

趙氏夏漣猗妻年二十夫亡無子守節

瞿氏庠生成象孚妻年二十二守節歷四十餘年

胡氏王宜詔妻年二十六守節七十五歲終

李氏王奉泉妻年十六夫亡撫遺孤又早亡教孫成名
八十六歲終守節凡七十年

宋氏尹節印妻守節三十七年

楊氏郭克廣妻守節三十四年

王氏凌宗愷妻年十九守節歷數十年

馮氏李遂妾年二十四守節時遂妻秦氏亦年僅三十
三兩人共撫孤守節秦壽七十九馮壽八十八乾隆
五年旌表

劉氏陳利國妻年二十五守節子武前妻林氏年十九

守節劉年八十四林亦六十七乾隆五年旌表

胡氏王建伯妻年二十七守節歷四十五年乾隆五年旌表

錢氏劉漢妻年十八守節六十五歲終乾隆元年旌表

張氏楊炯妻年二十四守節七十八歲終雍正十二年旌表

陳氏徐光國妻夫亡撫孤後子又夭復教育遺孫守節三十五年六十二歲終乾隆二年旌表

吳氏陳維垣妻年二十六守節逾六十年乾隆二年

旌表

薛氏吳公穉妻守節三十四年壽六十二乾隆五年

旌表

高氏潘兆昱妻年二十七守節雍正十三年 旌表

劉氏潘如荅妻年二十二守節雍正十一年 旌表

王氏凌苞山妻年二十七守節雍正十年 旌表

孫氏監生高維嶽妻守節三十五年雍正十二年 旌

表

韓氏徐元利妻年二十三守節歷四十九年乾隆二年

旌表

陳氏全淮錄作吳氏潘兆晟妻年二十六守節乾隆五年旌

表

萬氏錢士高妻守節五十年乾隆五年旌表

陶氏姜可則妻年二十九守節乾隆五年旌表

沈氏庠生劉咸其妻守節三十年教育二子皆成名乾隆

隆四年旌表

劉氏夏禹治妻守節三十四年雍正十年旌表

葛氏潘樞妻年二十八守節乾隆二年旌表

吳氏萬方泰妻守節三十年乾隆五年旌表

朱氏全淮錄作王氏卞士頤妻年二十八守節乾隆五年旌

表

劉氏曹法曾妻年二十五守節乾隆五年 旌表

顧氏陳天祐妻年二十八守節乾隆五年 旌表

張氏蔡應熊妻年二十六守節雍正十二年 旌表

卞氏郭怡妻年二十守節姑病嘗刲股救之雍正十三

年 旌表

羅氏張峒妻年二十三夫亡無子撫嗣子成立乾隆五

年 旌表

劉氏王肇修妻年二十一守節乾隆五年 旌表

帖氏丁啟元妻年二十五守節撫遺腹子歷四十年邑

令旌之

葛氏張伯翼妻年二十六守節歷三十二年子麗中妻
倉氏守節三十四年孫潛夫妻王氏亦守節三十四
年一門三節邑令旌之

易氏張鑄妻年二十三守節子漢妻洪氏年十九守節
易年八十一洪年七十乾隆八年旌表

徐氏李順妻年二十七守節歷四十九年終
周氏張琳妻年二十五守節歷四十九年終

王氏成朝品妻年二十六守節子昇妻倪氏年二十四
守節王六十二歲終倪歷三十五年

王氏成朝龜妻年二十五守節六十三歲終

張氏王士廉妻年二十七守節歷四十六年邑令旌之

劉氏嚴鎧妻年二十二守節子允烈妻王氏年二十八
守節

凌氏王堯章妻年二十三守節五十四歲終

劉氏陳韋言妻年二十八守節教二齡孤子遊郡庠八
十二歲終

薛氏曹寅公妻守節四十六年七十四歲終

楊氏庠生劉楫妻年二十四守節七十七歲終

孫氏洪良臣妻年二十六守節子世俊妻曹氏年二十

八守節世華妻孫氏年二十九守節乾隆初姑年八十二婦俱五十餘

戚氏葛子尙妻守節四十一年七十八歲終

周氏崔孚嘉妻年二十七守節子聲遠妻吳氏年二十
二守節周七十歲終吳亦守節三十餘年

郭氏楊晴嵐妾年二十九守節逾四十四年

徐氏潘宇奇妻年二十七守節歷三十七年

周氏蘇太占妻年二十六守節歷三十四年太占弟季

占妻薛氏年二十二夫亡自經以殉

見前烈婦

季弟天祐

妻張氏年二十守節歷三十餘年一門三節烈邑令

旌之

卞氏嚴爾召妻年二十二夫亡爾召兄爾美相繼死妻再適氏兼撫兩室孤子家貧甚奉孀姑終天年子姪皆聘娶已四十五年

周氏邵行四妻年二十八守節行四弟監生際宋妻王氏年二十五守節周歷三十八年王歷二十六年終陳氏吉仁妻年二十守節歷三十三年嘗刲股救翁李氏王之臣妻年二十七守節歷三十一年之臣弟之鄰妻熊氏年十七守節無子兩婦共撫一孤歷二十六年

夏氏趙洪猷妻年二十二守節歷三十二年

張氏裔天成妻年十九守節

王氏卞體謙妻年二十四守節歷六十三年

蕭氏諸生潘琥妻守節四十三年

張氏成應芳妻年二十五守節歷三十九年卒乾隆九

年旌

周氏吳青陽妻年二十六守節歷四十二年

王氏楊伯登妻年十八守節歷六十五年

宋氏諸生王標妻年二十五守節歷五十四年

徐氏舉人薛鑿臣妻年二十八守節無子歷四十一年

張氏宋君相妻年二十三守節歷五十五年

陳氏王民直妻年二十四守節歷五十九年

李氏祁大生妻年二十九守節歷五十五年

劉氏張魯生妻年二十九守節歷三十五年

顏氏童永齡妻年二十五守節歷五十七年

許氏李基妻年二十六守節歷五十四年

周氏祁玉音妻年二十八守節歷三十一年

周氏監生姜逢甲繼妻年二十四守節撫前子歷四十

一年

成氏庠生王經正妻年二十二守節歷三十八年子圻

妻成氏亦夫亡守節

車氏李玉文妻守節五十六年

楊氏庠生宋坤貽妻年二十七守節歷五十一年

張氏潘遇陽妻年二十八守節歷五十七年

胡氏張于斯妻年二十三守節歷三十六年

王氏宋慶辰妻年二十九守節歷五十二年

陳氏張燦宸妻年二十九守節

蘇氏孫鼎臣妻年三十守節

孫氏王曰莊妻守節四十七年

曾氏成鴻妻年二十九守節歷四十九年

王氏倪國侯妻年二十九守節

易氏徐乃發妻年二十六守節歷四十五年

徐氏成天祥妻年二十五守節

周氏虞景運妻年二十七守節

袁氏成上九妻年二十九守節

沈氏李瑞玉妻年二十七守節

李氏徐晟妻年二十八守節歷四十八年

吳氏成西山妻年二十九守節歷四十五年

劉氏潘克宜妻年二十九守節

黎氏祁商霖妻年二十五守節

卞氏監生徐熙妻年二十八守節歷四十七年

劉氏王成美妻守節三十四年

徐氏成漢妻守節三十二年

朱氏成子華妻年二十八守節

丁氏錢天生妻年二十八守節

郭氏成來儀妻年二十八守節

劉氏呂渭臣妻年二十七守節

楊氏王玉長妻年二十八守節無子歷四十年

潘氏許天辰妻年二十八守節歷四十四年

楊氏姜治本妻年二十九守節歷四十五年

周氏楊爾和妻年二十八守節無子歷四十年

許氏劉仲滋妻年二十八守節

曾氏徐宏妻年二十九守節

單氏韓貞吉妻年二十六守節

曹氏袁若周妻年二十三守節歷四十七年

王氏裔陸周妻年二十四守節

商氏周國臣妻年二十九夫亡無子守節

孫氏楊相侯妻年二十八守節

戴氏車載璉妻年二十八夫亡無子守節

李氏張明遠妻年二十六守節

梁氏潘克成妻年二十八夫亡無子守節

成氏張運生妻年二十九守節

顧氏沈象莊妻年二十四撫遺腹子守節

王氏應峻德妻年二十八守節歷四十一年

王氏朱帝簡妻年二十九守節歷四十年

顧氏金調玉妻夫亡守節

管氏黃君相妻年二十九守節

郝氏梁利南妻夫亡守節

儲氏呂熊伯妻年二十三守節

孫氏夏宗虞妻年二十八守節歷三十二年

韋氏黃欽浩妻年二十八守節歷三十八年

陳氏楊耀三妻年二十八守節

王氏徐盛庭妻年二十九守節

張氏倪繩祖妻年二十八守節

姜氏王津伯妻年二十九守節

劉氏王特簡妻年二十九守節

王氏孫祝眉妻年二十六夫亡一子甫八月守節

顧氏孫倫妻年二十九夫亡無子守節

楊氏成日鐸妻年二十一守節

劉氏王銓妻年三十守節

周氏楊景泰妻年二十三夫亡無子守節歷三十五年

姚氏卞士瑗妻年二十七守節歷三十八年

倉氏程子畏妻年二十五守節

紀氏顧其修妻年二十四守節歷二十九年

彭氏倪六吉妻年二十九夫亡無子守節

趙氏王猗南妻年二十六守節

虞氏吉士模妻年二十七守節

張氏潘琰妻年二十八夫亡一子未匝月守節

王氏高萬斯妻年二十七守節

孫氏趙九疇妻年二十八撫遺腹子守節

黃氏王君戾妻年二十五守節

成氏李萬臣妻年二十六守節

李氏吉有卿妻年二十六守節

夏氏崔錦妻年二十八守節

捏氏葉公謹妻年二十八守節

倪氏成汝伯妻年二十九守節

孫氏王礪平妻年二十七守節

王氏彭彥伯妻年二十八守節

張氏沈玉璽妻年二十七守節

呂氏彭映岱妻年二十九夫亡無子守節

江氏趙廷璽妻年二十九守節

姜氏許登玉妻年二十九守節

吳氏楊隱山妻年二十守節

沈氏祁弗踰妻年二十五夫亡一子甫五月守節

劉氏郭淑宜妻年二十一夫亡無子守節歷二十三年

張氏楊公臣妻年二十五守節

夏氏蔣維倫妻年二十八守節

谷氏黃良弼妻年二十九守節

張氏顧虞書妻年二十八守節

彭氏宋文仲妻年二十六守節

樹氏徐光德妻年二十九守節

邵氏潘禹平妻年二十五守節

高氏沈仲英妻年二十八守節

徐氏張景祿妻年二十九守節歷二十三年

孫氏邢方行妻年二十九守節

蔣氏楊元正妻年二十六守節

畢氏夏銘妻年二十八守節郡守旌之

徐氏成廷柱妻年二十七守節

張氏薛綵妻年二十三守節歷三十四年

孫氏葛麟士妻年二十八守節

徐氏殷煥然妻年二十九守節歷二十三年

黃氏施尙卿妻年二十六守節

夏氏劉能宏妻年三十守節

謝氏祁尙國妻年二十八守節

孫氏劉子禎妻年二十六守節

張氏孫彬之妻年二十七守節

洪氏陳爾平妻年二十五守節歷三十一年

吳氏高爾詔妻年二十一守節

滕氏陳伯士妻年二十四守節

宋氏吳式序妻年二十八守節

蘇氏樹簡臣妻年二十七守節

孟氏何廷爵妻年二十七守節

王氏吉茂也妻年二十六守節

王氏朱愈妻年二十六守節

孫氏薛經妻年二十二守節

薛氏夏聞衣妻年二十三守節

鄭氏胡萬之妻年二十九守節

張氏諸生宋炎妻年二十三守節

王氏袁正公妻年二十一守節

陳氏成聯任妻年二十二守節

胡氏周應禎妻年二十九守節

王氏監生張雋妻年二十一守節

陶氏徐虎文妻年二十五守節歷二十五年

朱氏強我清妻年二十四守節

高氏陳方來妻年二十一守節

劉氏潘克紹妻年二十八守節

秦氏何東山妻年二十二守節

倪氏吳有恒妻年二十七守節

李氏祁秀升妻年二十九守節

邱氏王之翰妻年二十五守節

成氏丁爾玉妻年二十一守節

沈氏監生徐尙貞妻年二十四守節

吳氏諸生袁之漢妻年二十四守節

楊氏夏沂妻年二十一守節

陳氏王普公妻年二十二守節

瞿氏胥枚吉妻年二十一守節

王氏夏永芳妻年二十七守節

薛氏陶昇妻年二十七守節

王氏尹義修妻年十九守節

劉氏徐夢鵬妻年二十四守節

陳氏周彥儀妻年十七守節

涂氏胡士德妻年二十一守節

陳氏樹宗禹妻年二十六守節

王氏樹宋臣妻年二十四守節

呂氏王有勇妻年二十一守節

徐氏嚴有端妻年二十五守節歷四十九年

倉氏黃君臣妻年二十九守節

樂氏劉棐妻夫亡守節

劉氏孟殿臣妻年二十八守節歷三十六年

成氏王又培妻夫亡守節

董氏徐昌祚妻年三十守節

孫氏曾宋臣妻年二十二守節

張氏徐鼎生妻年二十七守節

蔣氏楊喬嶽妻年二十八守節歷三十三年

王氏宋鑒妻年二十七守節

張氏劉旭妻夫亡守節

丁氏孫調九妻年十九守節

吳氏張聖修妻夫亡守節

張氏孫懋文妻年二十四守節

孫氏蕭美玉妻年二十一守節七十二歲終

劉氏王景聲妻年二十九守節

蕭氏張子芳妻夫亡守節

陳氏徐子龍妻年二十九守節

李氏蔣某妻年二十八守節歷三十餘年

李氏戴拱樞妻年二十守節七十二歲終

成氏蔣秀章妻年二十六守節

胡氏張道堪妻年二十八守節

顧氏庠生楊子趙妻年二十九守節八十二歲終

王氏庠生張亦厚妻年二十八守節歷四十年

沈氏陸子玉妻年二十九守節歷四十餘年

王氏裔虞公妻年二十八守節

徐氏張亦紹妻年二十六守節

王氏孫如松妻夫亡守節

吉氏蔣鱗妻適蔣三月夫亡守節

王氏蔣有善妾年二十七守節歷四十年

薛氏彭澤宰妻年二十九守節八十四歲終

陳氏孫起龍妻年二十六守節歷四十餘年

孫氏劉之高妻年二十六守節

張氏孫應龍妻夫亡守節

張氏徐士宜妻夫亡守節

王氏徐遜庸妻夫病刲股不效年二十五守節歷五十年

陳氏王理中妻年十九守節

蔣氏梁有吉妻年二十八守節

劉氏蔣席珍妻夫亡苦節

華氏鍾子介妻守節三十年

夏氏宋公志妻守節四十八年

倉氏王調元妻夫亡守節

王氏朱良玉妻年二十九守節

姚氏儲某妻夫亡守節

清史稿卷一百一十三
三
許氏庠生劉震妻年二十五守節

張氏孫克備妻夫亡守節

陳氏廩生王梅妻夫亡守節

王氏張廷標妻年二十四守節

姚氏乘夏公妻姑病刲股夫亡守節

許氏監生劉需妻守節四十年

王氏夏度妻年二十六守節

張氏庠生夏秉義妻夫病刲股夫亡守節三十六年

周氏宋家駢妻年十九夫亡守節

胥氏宋涵五妻年二十六守節歷三十四年

葛氏宋釗妻年十九守節歷三十三年

孟氏張翥妻年二十九守節

沈氏宋以徵妻年二十五守節歷三十三年

張氏荀禎祥妻年十九撫遺腹庭張孝事舅姑教庭入
泮庭又早天妻孟氏亦守節張壽七十孟壽七十一

洪氏楊近山妻夫亡守節

瞿氏廩生王德潤妻夫亡守節

倪氏成旦妻年十八守節歷三十年

宋氏潘海若妻年二十四守節歷三十二年

李氏朱爾霞妻年二十九守節歷四十九年

張氏成咸有妻守節三十年

江氏單世傑妻年二十七守節歷三十年

徐氏彭善林妻年二十七守節

夏氏監生朱光謙妻年二十九守節

朱氏姜逢鼎妻年二十八守節歷三十年

柴氏潘殿臣妻年二十八守節

李氏張嚴明妻年十九守節歷三十餘年

左氏陸俊生妻年二十七守節歷三十餘年

嚴氏趙師浩妻守節三十餘年

趙氏楊尙之妻年二十三守節

孫氏李信先妻年二十三守節

紀氏邱公甫妻年二十五守節歷四十八年

劉氏王日章妻年二十三守節歷三十五年

唐氏彭三一妻年二十八守節七十九歲終

王氏彭凡一妻年二十九守節歷四十餘年

張氏馬景宣妻夫亡守節

王氏張季占妻夫亡守節

卞氏陳遇奇妻夫亡守節

汪氏王翼周妻年二十七守節

李氏王四顯妻年二十四守節

洪氏孫西陝妻年二十五守節

楊氏陸君享妻年二十八守節八十六歲終

楊氏陳化育妻夫亡守節

薛氏庠生唐我宰妻夫亡守節

沈氏庠生張佳燕妻年二十一守節五十四歲終

孫氏夏采侯妻夫亡守節

張氏孫文新妻年二十五守節

吳氏李燦東妻年二十四守節

高氏監生姜振遠妻夫亡守節

胥氏汪榮妻年二十五守節

陶氏姜嘉士妻夫亡守節

許氏夏有相妻年二十五守節八十餘歲終

陳氏陳子上妻夫亡守節

邵氏李佩音妻夫亡守節

楊氏王宏勲妻年二十五守節

楊氏王宏業妻年二十二守節

宋氏徐懿妻年十九守節

司氏孫止東妻夫亡守節

丁氏庠生唐臣義妻年二十七守節歷二十七年終

雷氏趙希文妻夫亡守節

封氏陳昌祺妻夫亡守節

夏氏陳昌祐妻夫亡守節

曹氏金調梅妻夫亡守節

王氏殷貞吉妻年十九守節

高氏監生薛凱妻夫亡守節

張氏夏一極妻夫亡守節

高氏王揆臣妻守節四十六年

劉氏王孚遠妻守節五十四年

季氏孫漢章妻夫亡守節

孟氏高重也妻夫亡守節

樂氏高以雅妻同夫就食江南夫亡無子扶翁姑及夫

三槐歸里就墓苦節三十餘年

周氏庠生易以宜妻守節四十年

倉氏朱文政妻年二十一守節

還氏王德甫妻夫亡守節

秦氏單德美妻夫亡守節

歐氏卞某妻夫亡守節

吳氏郝仲遠妻夫亡守節

蘇氏庠生夏震起妻夫亡守節

許氏劉兆祥妻夫亡守節

丁氏徐某妻夫亡守節刲股救姑

林氏陳武前妻夫亡守節乾隆五年旌表

貞女

國朝

蔣氏許嫁王祝頤年十九祝頤死守志母家三十八年
弟東曉妻陸氏年二十二夫歿守節

蕭氏許嫁錢庶常庶常死女往夫家守志四十載

薛氏太學生從龍女許嫁張顥紳年十八顥紳亡女遂
至夫家守志十八年而終

沈氏沈潛女許嫁薛國琳夫亡自縊死年二十四事聞
旌表建祠邑治東

沈氏沈華周女許嫁夏允年十七夫亡父受他姓聘遂

嘔血而死

蔣氏許嫁趙廷對年十九夫死女聞訃自縊死

唐氏年二十二未字遇暴不從自縊死康熙五十七年

旌表

蘇氏蘇公煥女遇暴不從投水死雍正十三年 旌表

王氏諸生王友薛女許嫁陳繼中年十九繼中死女遂

自縊乾隆四年 旌表

潘氏諸生潘同鼎女許嫁姜昌祖昌祖卒女歸姜守志

昌祖弟昌朝生子女立爲嗣未幾而殤女遂不食死

距昌祖之卒凡十五年

趙氏許嫁薛熏熏死女遂自縊死知縣于本宏旌之
郭氏許嫁張某張卒女自縊死時年十八

嚴氏許嫁王某年十九夫卒女聞訃往弔歸而縊死
王氏王廣封女許嫁趙樹儀儀死女聞訃慟哭自縊死
事聞建坊

阜寧縣

孝婦

國朝

廖氏貢生戴大全繼室翁病刲股救之愈翁歿柩在室
忽值火發與夫撫棺痛哭誓死不去未幾火息竟得
無恙

烈婦

國朝

劉氏夏仲孚妻夫亡服喪三年除服之日痛哭仆地淚盡血繼遂自縊死邑令郡守俱給匾旌之

節婦

國朝

胡氏李光淑妻

管氏孫泓基妻

以上乾隆六年旌表

王氏顧嘉雋妻海防廳旌之

董氏生員吳曰珩妻山陽令旌之

邵氏鄭瀛伯妻邑令旌之

劉氏廩生余志進妻

莊氏周永祿妻年二十五夫亡遺腹甫兩月生子龍藻

守節撫孤現年五十六歲

卞氏王君球妻年二十六而夫亡計守節四十七年

貞女

國朝

王氏許字載大斌未嫁斌亡奔喪守節乾隆五年旌表

郭氏許字何其位未嫁聞夫亡卽過何氏守節邑令旌之

馬氏馬君華女自幼矢志不字海防廳旌之

錢氏許字郭建城年十八未嫁聞夫歿卽服滿死

清河縣

賢母

漢

漂母淮陰人嘗漂絮城下見韓信饑飯信數十日信曰
吾必有以重報母母怒曰大丈夫不能自食吾哀王
孫而進食豈望報乎後信封楚王以千金報母母有
墓有祠至今淮人祀之

明

馬氏周應奎妻崇祀鄉賢文煒之母奎卒遺煒及煥皆
幼翁年老馬侍左右如子事父翁逝喪葬如禮盡焚

積券以禮法教子孫文煒官商州死于忠孫元生隨
父任死于孝皆母之教也本縣歷有旌表

孝婦

明

仲氏庠生王步武妻武歿家貧姑以哭子喪明氏侍左右未嘗輒離起居登降必待扶掖親滌穢器不假他人姑老無齒飲啗必如其意寒則偎膝于懷暑則扇其枕蓆崇禎間知縣申其事撫按賜之肉帛以旌異之

國朝

汪氏仲汝羹妻羹性最孝及病劇屬氏曰我死必養我母氏泣且應自此事姑不異羹在姑歿賣所居屋以

義大事或勸其爲日後計氏曰留所居以遺子孫而姑不免暴露何以見亡夫地下卒殮喪成禮後乃携子僑居母家

王氏湯輅妻舅澧州知州調鼎患腹疾甚殆氏剖股肉托魚羹以進竟愈越二歲鼎病如初氏禱于神願以身代竟無疾而卒

烈婦

明

何氏二女宏治中流寓盱眙年饑其父將鬻爲婢紿云作妾二女覺之遂交臂投淮死盱令上其事立雙貞祠至今祀之

清河志云事見淮安府志按舊志載有烈女何氏止一女無二女云泗州人不云清河人與此微異或所傳異詞歟未敢輒刪因各載之

周氏顧剛妻剛業鐵工年二十而卒氏號泣幾絕夜遂自縊

許氏庠生蘇儒妻夫卒數月子亦死遂携夫及已衣物

至墓所焚之歸自縊死

趙氏庠生許滋妻嫁歲餘夫故號哭不飲食家人防之
後數日防者稍懈遂自縊死縣申其事撫按令立嗣
祀之

陳氏庠生王用衡妻夫歿柩在室天啟四年火偏喪廬
氏冒火入柩側願與俱焚火倏退舍柩竟獲免氏爲
火氣薰灼踰日死鄉人褒嘆之

貞女

明

艾氏本江西人父業銀工居清河因母寡兄故遂侍母
不嫁知縣郭琳申其事以貞孝表之

節婦

明

范氏李政繼妻政卒氏年十八宏治十八年旌表

金氏王諮妻夫故子幼父母勸之嫁不應年七十終

梁氏史載妻堅志守節嘉靖四十四年知縣旌之

陳氏汪應庚妻守節四十八年崇禎間撫院旌之

王氏仲朝綱妻嫁未久夫死姑老多病飲食起居皆氏

抱持之年七十四終

張氏陳僧民妻年二十一夫亡家貧守節事翁姑以孝

聞

王氏袁達繼妻守節撫孤年八十餘卒

邵氏馬海妻年二十二夫死守孤子璽成立娶周氏纔生子顯而璽亦死周年二十姑媳相依守節俱年逾七十宏治十八年旌表

趙氏館陶訓導王景福妾嘉靖十四年知縣給匾旌之
張氏王汲妻夫病刲股救之夫故守節年八十餘本縣申其事表之

張氏湯鳳妻夫卒撫孤子湄成立湄娶杜氏湄又早亡杜亦依姑守節

謝氏湯日章妻甘貧守節年八十終本縣旌之

四朝

張氏劉兆慶妻守節四十五年順治九年撫按旌之

馮氏王應張妻守節四十餘年順治十三年本縣旌獎
許氏王夢周妻年二十一守節壽七十餘終

郭氏劉兆震妾震死守孤子才數歲家貧拾野菜自給
常數日不舉火年六十一終

陳氏王崇美妻家貧守節年七十二卒

周氏湯三策妻守孤子事孀姑年六十四卒

丁氏庠生汪必達妻夫亡守節嘗刲股救姑

張氏庠生王乾妻

許氏王應震妻

卞氏庠生張與弼妻

王氏李尙智妻苦節三十九年

黃氏仲孔訓妻

周氏孫岐山妻

朱氏周大生妻年七十三卒

孔氏庠生萬民命妾夫亡有新貴求娶之者引刀截髮
誓不改節

嚴氏陵水知縣汪之恒妻嫁二年夫隨王師入廣
母家人多阻之氏獨勸行恒在廣十年歿以喪歸底

教子守節歷四十餘年

趙氏侯蔭遠妻

印氏吳荆妻

葉氏丁時行妻

丁氏生員陳鍵妻

丁氏沈紹慶妻苦節七十年年九十一歲無疾而終

孫氏庠生李芳甲妻守節四十六年逾七十餘歲

陸氏庠生王灝妻守節四十五年知縣馬元表其閭

許氏湯裕妻年十七守節三十二歲終

于氏王崇道妻守節五十年年逾七十九歲

王氏吳錫妻守節三十餘年卒後家被火室廬悉燬氏
棺獨存烈焰中

胡氏周象晉妻

胡氏楊所居繼妻年逾七十

金氏蔣從美妻年七十九

路氏張書典繼妻守節四十餘年

張氏汪之灝妻雍正四年旌表

吳氏丁元棧妻

王氏張兆棟妻

吳氏陳仁灝妻

楊氏張植妻

以上雍正六年 旌表

王氏仲又秘妻雍正十年 旌表

陳氏張文郁妻宋氏文郁弟文彬妻潘氏文彬妻一門

三節雍正十二年 旌表

孔氏張元文妻

張氏丁爾培妻

宗氏周可求妻

金氏劉大纘妻

汪氏丁焯妻

丁氏劉大鄉妻

周氏張靜如妻

盧氏張翠妻

以上乾隆五年 旌表

周氏劉大純妻乾隆十一年 旌表

許氏劉佳妻年二十九夫亡守節已四十年

袁氏鄭文燹妻年二十九夫亡守節已三十一年

安東縣

賢母

唐

侍御史王義方母義方將劾李義府請于母母曰昔王陵母仗劍成陵之名汝能盡忠吾死何恨義方遂以諫顯

孝婦

明

丁氏丁儒女金應試妻嫁未期年應試沒年二十有一
翁姑令其改適氏不從以翁無子廢簪珥爲翁置妾
袁氏姑癖妬氏長跪泣諫及翁歿得遺腹子應彩姑
亦歿時袁年二十有五亦以死自誓翁歿後未嘗歸
寧所居河北有大盜過其里輒相戒曰無驚賢母母
年逾六十妾亦四旬餘比部周公旌曰節孝異常

烈婦

明

許氏馬海妻崇禎二年有縣役至其家催糧入室誘倡之氏大呼役遁去遂自縊隣人救得醒夫歸訴之誓必死哭三日夜卒裂衣袖自縊孕子觸腹口鼻流血數斗死院道共獎之

國朝

王氏諸生王若章女張敦良妻夫亡絕粒死

節婦

明

彭氏太學生蘇希瞻妻瞻客死氏年二十四守節三十
八年宣德五年旌表

劉氏蕭友諒妻年二十四守節養姑克孝宣德十五年
旌表

劉氏陳從禮妻撫遺腹子誓守景泰三年旌表

王氏庠生趙印妻

安東縣志作允

五月夫亡撫遺腹子禧後餽

於庠守節四十七年卒正德六年旌表

蘇氏朱志妻教育二子皆成名萬歷七年旌表

朱氏賈漂妻

安東志作漂

十九歲適漂一年夫死守遺腹子

維翰苦節五十六年天啟三年旌表

羅氏薛炳妻十九歲夫亡守節四十餘年崇禎二年旌表

王氏井田妻年二十一夫亡無子撫姪國光爲嗣方二歲患疹無哺氏忽乳出鄉人爲異守節六十二年年八十二卒崇禎十年旌表

薛氏井國華妻事伯母王氏如親姑夫早喪繼母志守節言不出戶外

楊氏潘好古妻嫁三歲而夫卒撫遺腹子天順三年旌

表

劉氏王世榮妻二十四歲守節奉老姑撫二子歷三十九年萬曆三十三年督撫表之

萬氏滕昌言妻年二十夫卒子週歲萬曆四十六年撫按表之

邵氏鄒正妻年二十一夫卒無子斷髮誓死守撫按表之

王氏姚璉妻年二十二夫亡子鍾始週歲又遺腹子錫教育二子入泮守節四十七年各院旌之

張氏宋玘妻年二十四夫亡撫子成立守節三十八年

撫按表之

韓氏王繼祚妻年二十夫亡家極貧事太姑及姑孝養
備至天啟五年旌表

皇甫氏施有教妻夫死無子守節五十餘年崇禎十年
旌表

金氏朱俊妻盧氏朱俊妾從夫官廣東夫死二人撫遺
腹子守節

邵氏蘇正二妻

國朝

呂氏庠生吳之瓚妻年十八守節教男允昌補邑庠生

年六十事繼姑李如嚴母順治初 旌表

李氏訓導吳警妻庠生之瓚之繼母也夫亡無子與婦

呂同心守節順治十二年 旌表

潘氏徐文采妻二十五歲守節四十五年順治十二年
旌表

鄭氏陳鸞妻二十五歲守節年近百歲

石氏薛世采妻二十歲守節歷六十餘年訓嗣子成立
順治十二年 旌表

孫氏生員徐貢瑞妻年二十守節康熙十八年 旌表

夏氏劉三綱妻夫亡時子甫週歲孝事孀姑康熙十八

年旌表

陳氏蘇有賦妻年二十守節無子歷三十餘年

嚴氏舉人張鴻儒母守節教子成名

徐氏賈廷獻妻年十七守節孝事翁姑撫嗣子之孺成立

曹氏張世法妻年二十七守節撫遺腹子壽八十四

沈氏李子仁妻年二十四守節刲股愈翁姑病

賈氏貢生朱良儒妻年二十四守節無子

何氏監生齊甫峻生母年二十八撫遺腹子成立

徐氏監生孫如熊妻康熙年旌表

邢氏潘加祿妻

賈氏生員徐亮妻司道旌之

薛氏嚴士策妻年十九守節歷四十餘年

劉氏生員李雲芳妻夫歿時子方生四十六日教子入泮

張氏朱雲馭妻

徐氏朱衣妻乾隆六年旌表

劉氏徐希連妻二十三守節歷六十二年壽八十五

黃氏沈世登妻二十五守節歷四十四年

黃氏朱國齡妻守節五十八年壽八十五

徐氏庠生王開文妻二十二守節歷六十年壽八十一
李氏笄其儼妻年十八守節無子歷三十九年

樊氏沈龍圖妻二十一守節歷五十餘年

顧氏潘有蘭妻

楊氏朱九鶴妻二十二守節歷五十餘年

劉氏生員朱凱妻年十九守節事繼姑盡孝歷五十二
年

賈氏生員張新傳妻守節四十餘年

劉氏高正紀妻

張氏汪金增妻無子守節三十餘年

曹氏水印湖妻夫死無子守節

賈氏廩生孫飛熊妻雍正六年旌表

孫氏生員王炳妻

嵇氏陳龍衮妻刲股救夫夫亡教孤子入泮

高氏濮繩妻二十三夫亡子生方七日教子入泮

嵇氏嚴榛妻

胡氏劉起鳳妻

劉氏張祥妻夫亡撫週歲子

朱氏生員徐宏道妻夫亡子生才數月

馬氏賈步祖妻無子守節

劉氏嵇志妻

張氏沈天祺妻年二十二守節

卜氏于調生妻年二十四撫遺腹子

吳氏沈龍光妻

李氏生員程登蓮妻

徐氏王成吉妻無子守節

張氏朱士宏妻

汪氏朱壘妻

賈氏王若愚妻雍正八年旌表

薛氏王某妻王大紳母

王民生員徐釗妻

左氏嵇嵐妻

顧氏徐中和妻

呂氏生員高人依妻

趙氏紹興府同知程堦妾雍正八年旌表

嵇氏薛如芳妻雍正十二年旌表

朱氏州同陳朝徵妾

楊氏程元龍妻

以上乾隆三年旌表

楊氏監生程鑒妻

李氏生員程登蓮妻

孫氏劉國琮妻

賈氏劉胥慙妻

以上乾隆四年旌表

費氏監生金天灝妻

程氏生員金人岳妻

朱氏徐國達妻

徐氏周璜妻

陳氏李立妻

薛氏王增妻

以上乾隆五年 旌表

徐氏程敦厚妻

馬氏劉胥慈妻

陳氏貢生程筌妻

以上乾隆六年 旌表

薛氏王咸受妻

賈氏嵇雯光妻

林氏千總江元熹妻

以上乾隆八年 旌表

馬氏張棟妻現在請旌

朱氏孫鎧妻年二十二夫亡守節已二十八年

劉氏黃鑑妻年二十八夫亡守節四十五年

張氏畢天鈐妻年二十六夫亡守節已三十五年

貞女

國朝

鄭氏庠生鄭允功女許字汪宣琇宣琇遠出三十年絕
無音耗女守貞不字歷四十年之久有勸之改適者
始則截髮繼之自縊卒獲全節康熙二十七年縣詳
各院旌表

張氏州同張鴻志女許字朱克裕未嫁夫死立志捐生
悲泣兩月防閑稍懈卒自縊死

鄭氏許字梁世偉世偉死繼母欲許他姓女不從絕食
三日半夜自縊死

劉氏劉克恭女許字桑魯公魯公亡誓死守貞年六十卒乾隆六年旌表

趙氏許字孫兆鳳兆鳳亡氏年十六自縊以殉雍正十三年旌表

趙氏許字張嵩未嫁夫亡過門守節已歷三十二年現在請旌

孫氏許字孫天讀年十九未嫁夫亡氏聞訃奔喪一慟幾絕家極貧採菑拾薪以養孀姑今已二十一年前令陳鏞旣題額以表其門復爲之作傳

桃源縣

賢母

明

張氏夏邑縣知縣盧士恒繼妻事翁姑以禮撫前妻子以慈士恒自鼎革後卽掛冠歸里屢薦不起張氏甘守岑寂不勸夫以營利祿邦人至今稱之

孝婦

明

潘氏審事劉萬川妻善事舅姑以孝敬稱姑年八十餘
氏與同臥起躬調湯藥晨昏無間隆慶六年邑令給
額旌之

國朝

范氏徐必達妻父桂老病氏刲股救之

陳氏陳宏緒女年十四刲股愈父

高氏朱士一妻母老病氏刲股救之

陳氏張佳昌妻事翁姑以孝稱

劉氏陳該秉繼妻年二十四夫亡守節一日河決氏母
漂逐洪流氏急拏舟往救正倉皇間忽旋風送舟至
母漂處手挽而起人咸驚異康熙三十六年 旌表
吳氏楊斌妻一日家被盜擄其姑索金錢氏挺身救之
刃傷其股邑令以孝婦獎之夫病刲股和藥尋愈
徐氏張守敬妻姑病曾割股救之

烈婦

明

胡氏陳性善妻夫亡無子守節崇禎末流賊猝至擁之上馬氏自奮墮地爪面流血罵不絕口賊怒碎其屍而去

朱氏吏員葛一麟妻崇禎十七年流賊猖獗避亂程子河見賊偪舟恐以色累夫先自縊死

金氏劉連妻年二十五夫死痛哭三日卒

國朝

裴氏孫榮國妻夫故自經死

尤氏蔣筠孫妻夫病十餘載勤侍湯藥家貧掘野菜充饑夫故募棺以葬尋自縊死

徐氏印相妻夫病刲股不效自縊于棺側

葛氏陳朝欽妻夫亡守節遇歲凶無從得食翁與父交勸其改適氏遂自縊死邑令旌之

節婦

明

冀氏魏剛妻年二十八夫故守節卒

胡氏劉昂妻年二十四夫故守節八十九歲終

胡氏莊尙年妻年二十九夫故守節終身

朱氏庠生胡整妻年二十五夫故守節七十八歲終

朱氏尹謙妻年三十夫故守節遭亂不爲賊辱

倪氏庠生陳續妻年二十四夫故守節嘉靖十一年邑

令旌之

莊氏庠生卞麟妻年二十二夫故守節終身

華氏庠生喬宦妻年二十三夫故守節七十五歲終

夏氏廩生房惟和妻年二十四夫故守節壽七十四

房氏庠生朱德純妻年二十一夫故守節壽七十

張氏劉葵妻年二十八夫故守節所生一女適邵輅亦

年二十一守節

沈氏庠生王慶妻年二十八夫故守節六十二歲終

俞氏劉喬妻年二十六夫故守節七十三歲終子三章

繼妻朱氏年二十守節三章子朝興妻葛氏年二十

八守節一門三節俱蒙旌獎

浦氏劉崇德妻年二十四夫故守節崇禎元年邑令桂

之

吳氏庠生葛正謨妻年二十七夫故守節邑令旌之

田氏庠生房卓然妻年二十四夫故守節邑令給匾旌之

陳氏孝子劉曉妻年二十八夫故守節七十五歲終

趙氏劉昭妻年二十九夫故守節年七十二歲終

張氏庠生王家棟妻年二十四夫故守節順治五年邑

令旌之

朱氏經歷劉柏年妻年二十八夫故守節學使者旌之

邵氏臧元調妻

桃源志載氏年三十三歲方守節恐與現行條例不符姑依縣志留

徐氏史逢克妻年十七夫故守節學使者旌之

朱氏劉天德妻年二十七夫故守節七十一歲終

王氏葛天申妻年二十七夫故守節妾顏氏年二十隨

氏共守

吳氏庠生劉裴繼妻年二十五夫故守節長女庠生田

毓秀妻亦年二十五歲守節次女吳日新妻十九歲

守節母子三人俱以節著

李氏吳日升妻年二十守節與夫弟日新妻劉氏共勵

冰霜時稱一門雙節

戴氏畢文揚妻年二十一無子守節學使者旌之

王氏武舉卜呂徵妻年二十五守節

胡氏卜說徵妻年二十五守節

王氏庠生儲磐妻年二十四守節

朱氏劉大奎妻年二十八守節

張氏庠生夏自錦妻年二十二守節學使者旌之

畢氏沈白玉妻年十九守節邑令旌之

王氏曹九苞妻年二十守節邑令旌之

王氏庠生葛芬妻年二十八守節

陳氏劉起法妻年二十三守節

王氏廩生夏錫疇妻年二十七守節

周氏王介藩妻年十九守節子天祐妻陳氏亦以節著
謝氏邱履端妻年二十八守節

朱氏潘躍龍妻年二十二守節邑令旌之

尹氏廩生田際可繼妻年二十夫故撫前妻子如已出
守節五十四年終

國朝

劉氏廩生朱正嗣妻年二十一守節

胡氏楊國昌妻年二十六守節六十九歲卒

孫氏畢九行妻年十九守節邑令旌之

陳氏庠生葛筠生妻夫亡無子守節

葛氏陳曰良妻年二十二守節

田氏谷昌甲妻夫亡守節

嵇氏庠生喬永楨妻夫亡守節

田氏陳天培妻夫故守節年近八旬邑令旌之

司氏庠生沈登俊妻夫故守節

楊氏山陽進士楊才瑰姊李應斗妻年三十守節壽八

十有三邑令旌之

王氏庠生葛湘妻年十八守節五十八歲終

陳氏上虞知縣白長庚妻年二十夫守城殉難氏守節

五十餘年

彭氏參將白應庚妻夫隨兄任戰歿氏年二十守節逾七十歲終

呂氏劉之良妻年二十守節

謝氏庠生盧邦定妻年二十二守節康熙十年旌表

田氏庠生胡寅妻年十六守節繼姪璋爲子娶夏氏璋又早歿遺一子一女女嫁張姓婿又早歿女無所依三婦共處皆以壽終

畢氏張世績妻順治九年夫故守節邑令旌之

葛氏谷爾芝妻年十八守節撫遺腹子成立孝事翁姑邑令旌之

葛氏王國鼎妻夫病刲股救之越三年故氏年二十三
守節邑令旌之

李氏葛幼墜妻年二十八守節邑令旌之

蔡氏王拂蘭妻年二十守節邑令旌之

胡氏廩生房巖吉妻夫亡守節訓子弱冠遊庠知縣杜
學林爲之立傳

陳氏盧宗禮妻年二十六守節歷四十年雍正九年
旌表

王氏陳朝鼎妻年十七守節無子雍正五年 旌表

王氏庠生陳璠妻康熙五十年 旌表

黃氏劉毓珵妻年二十五守節教子瀏遊庠

周氏庠生夏人傑妻年二十守節子甫八月六十歲終

丁氏庠生馬有麟妻年二十三守節無子

劉氏周篤美妻年十九守節

莊氏周標妻年二十四守節

劉氏李某妻貢生李琦繼母年二十九守節

陳氏州同盧汀妻年二十七守節

杜氏武士強妻夫故守節

許氏徐昉妻年二十八守節

海氏胡兆倫妻夫故無子守節

劉氏貢生時之穎妻年二十八守節

姜氏薛士磨妻年二十七守節無子年近八十邑令旌之

孫氏吳從禮妻年二十七守節子方週歲

張氏州同時之秀妻夫死守節

楊氏陳之遇妻年十九守節子甫兩月歷五十二年

陳氏生員谷齡妻年二十八守節七十歲終

胡氏王大武妻年二十五守節無子

陳氏監生周漢妻年二十八守節學使者旌之

王氏谷爾勵妻年二十五守節

孫氏尤某妻年二十三守節八十二歲終

胡氏薛宏綱妻年二十六守節邑令獎之

沈氏張翹妻年二十一守節子甫數月邑令旌之

錢氏監生袁三魁妻年二十一守節

程氏熊體元妻年二十一守節無子逾六十歲

葛氏薛髦齡妻夫故守節年八十終

孫氏莊德華妻年二十七守節

許氏周文進妻年二十五守節逾六十歲

張氏陳仍妻夫故守節年逾六十二

叢氏楊士美妻夫故守節五十餘年邑令旌之

周氏沈邦俊妻年二十三守節逾七十六歲

谷氏生員陳之迅妻年二十九守節撫遺腹子

陳氏邵讓妻年二十七守節歷四十四年

李氏生員張聖翼妻

程氏鮑炆妻年二十八守節壽登八十八歲

周氏紀貴妻夫死守節

陳氏王璣妻夫死守節

房氏生員劉兆熊妻夫故守節

邢氏劉兆發妻年二十三守節姑病刲股救之

畢氏劉仁妻年二十八守節逾六十四歲

曹氏曹繼志妻夫亡守節

吳氏王芳烈妻夫亡子在襁褓中守節

張氏趙鏐妻夫亡守節三十餘年

李氏房家駱妻年二十六守節撫遺腹子七十七歲終

尤氏生員莊調妻年二十八守節邑令旌之

王氏監生張元祺妻夫亡無子守節年逾六十

江氏生員劉中秀妻年二十三守節七十歲終

朱氏劉進思妻夫亡無子守節

劉氏生員王永平妻夫亡守節歷四十三年

甯氏謝大定妻年二十九守節逾六十三歲

翟氏王鈇妻年十九守節逾四十一年

谷氏生員王璣妻年二十五守節

盧氏監生王鳴玉妻夫亡守節邑令旌之

張氏邢繼美妻年二十六守節子煥然妻湯氏維邦妻
莊氏二子早亡二氏並依姑守節邑令旌之曰一門

三節

孟氏吳某妻吳山祖母年二十五守節子某妻陳氏亦
與姑同守邑令旌之

王氏鄭國善妻年二十九守節歷五十餘年各道並邑
令旌之

方氏孫應鳳妻年二十九守節邑令旌之

王氏生員陳兆鶴妻年二十二守節逾七十二歲學使
者旌之

劉氏州同陳元量妻年二十五守節

陳氏生員劉兆豐妻年二十六守節六十六歲終

胡氏生員朱玉瑛妻年二十七守節

胡氏廩生朱玉瓚妻年二十三守節邑令旌之

夏氏陳星水妻年二十一守節

許氏監生胡其深妻年二十二守節小姑胡氏王楚南

妻楚南亡氏年十九姑嫂相依守節

劉氏吏目王必擢妻年二十三夫病割股愈之越六年卒守節終身教二子俱入泮

方氏王猷妻年二十六守節逾六十九歲

姚氏生員牛彩麟繼妻年二十三守節撫前妻子如已出歷五十餘年

葛氏王禹甸妻年二十五守節

王氏庠生吳維均妻年二十守節無子

劉氏王某妻生員王秉之母

張氏 妻年二十守節歷五十餘年七十五歲終

袁氏駱九韶妻年十九守節一子亦夭

田氏盧邦梓妻年二十六守節四十四年卒

姜氏陳之冢妻年二十六守節

王氏徐君卿妻年二十七守節

孫氏盧邦極妻年十七守節無子教嗣子某入泮

趙氏丁潛美妻

葛氏監生史全妻

李氏倪三汲妻

陳氏胡玉藻妻

以上乾隆四年旌表

王氏生員胡始生妻

劉氏生員王維后妻

潘氏劉盡穀妻

張氏傅斌來妻

以上乾隆五年旌表

貞女

國朝

葛氏許字庠生李應思年十八夫故往弔遂留守節

趙氏許字周加光夫亡氏往送塋卽赴夫家守節

胡氏許字卜鐸兩家父母物故鐸貧不能自存削髮爲

僧令氏改字氏聞信卽自縊死邑人公請旌獎

胡氏許字徐彩彩亡氏往送塋歸卽絕食自縊死

姜氏父母無子幼養曹文科爲婿年少未婚文科挑之

氏以禮自守文科怒遂與氏訣數年不歸父母欲改

嫁氏不可卒歸曹氏守節公姑歿貧無棲止搆一草

逢于姑墓所兩遭水患皆賴一木以生鄉人哀之

胡氏許字廩生劉謚謚歿氏聞訃絕食越數日自縊死
劉氏許字王啟年十八隣人某欲私之脇之以刃氏大
呼詈罵隣人救之某逸去卒自縊死乾隆中旌表